

Saráq Pali Panha Santoiq Atõng

Saráq Pali Panha nâi la noau parõm tẽ máh santoiq puo Sa-lamôn pai, cõp tẽ máh santoiq cũai rangoaiq canõh pai hõ sám 700 toâq 900 cumo nhũang dõĩ Yê-su. Clúng cũai atõng tẽ saráq nâi yõn máh cũai dáng táq p̃ieiq cõp puai phẽp rit Yiang Sursĩ samoât samõi. Alõi atõng na santoiq sacâm cakéh cõp na santoiq pali panha.

Dâu lứq, noau chĩc catoaih atõng hái la neq: “Yám noap Yiang Sursĩ la nõm ốc roan rangoaiq.” (Pún 9:10) Máh santoiq pali panha nâi, Sa-lamôn chĩc táq kék-ngkék yõn hái tẽq sapúh raloaih lứq tẽ máh santoiq rangoaiq ki.

Máh santoiq pali panha nâi tỡ bữn atõng ống tẽ phẽp rit, ma atõng tẽ máh rit cuang canõh hõ, bữn neq:

- Manoaq õt ratoi cõp manoaq.
- Chẽq chõng yõn tanoang tapúng.
- Dáng rabán o tỡ bữm cõp õt khũn phẽp.
- Asẽng tỡ.
- Chĩuq tanhĩr.
- Dũng o yõn máh cũai túh cadĩt.
- Chuai máh cũai chĩuq túh coat.
- Táq tanoang o chỏq máh yóu.

Kia Tẽ Santoiq Pali Panha

¹ Nâi la máh santiago pali panha Sa-lamôn, con samiang Davít, puo cũai I-sarel. ² Tâng sarác nâi bữn santiago pali panha yõn anhia dáng raloaih tẽ kia ọc rangoaiq cốp tẽ santiago tẽih atõng yarũ lứq, đõq chuai yõn anhia dáng raloaih tẽ ọc yarũ ki. ³ Máh santiago pali panha arĩen yõn anhia dáng tẽ táq pởq yõn rangoaiq tâng dõĩ tamoong anhia, cốp cõt cũai tanoang tapúng, táq ranác p̄ieiq o, cốp ranác tanoang o. ⁴ Santiago pali panha táq yõn cũai tở bữn rien têq dáng, cốp táq yõn cũai póng dáng táq ranác yõn carsiat o.

⁵ Máh santiago pali panha nâi têq chuai cũai rangoaiq yõn dáng sa-ũĩ lứq ẽn, cốp sadoi rana yõn cũai ca dáng sa-ũĩ ⁶ đõq alóĩ têq dáng raloaih ọc yarũ tẽ santiago pali panha cốp ọc sacâm satêh; cốp yõn alóĩ dáng máh santiago cartooq tẽ santiago cũai rangoaiq atõng.

Santiago Tẽih Atõng Máh Cũai Póng

⁷ Nõm ọc roan rangoaiq la yám noap Yiang Sursĩ. Ma máh cũai sacũl tở bữn raming loang tẽ ọc roan rangoaiq, cốp alóĩ tở ẽq rien.

⁸ Con cứq ời! Cớq mới trĩh máh santiago mpoaq patâp, cốp chõĩ táh máh santiago mpiq mới atõng. ⁹ Máh santiago alóĩ atõng mới cõt samoat khán nêuq noau apúng tâng plở, tở la riang chúc acuac ralêh-yêh tâng tacong mới.

¹⁰ Con cứq ời! Khân máh cũai lôih ẽ radững mới, mới chõĩ táq puai machõng alóĩ. ¹¹ Đõq alóĩ radững neq: “Pởq cốp hêq núh! Pởq crốq táq máh cũai khũn mantoat, cốp cachĩt alóĩ yõn

thương mút hái! ¹² Hái lúq lưn mumoong alói, cóp cutól alói tâng prúng sarống. ¹³ Tồp hái lúq ramóh máh crong bữn kia sa-ủi, chơ pữr achu yỗn poân đống hái. ¹⁴ Pờq ốt cóp hếq núh! Hếq lúq tampềq crong hếq tuiq yỗn mới hờ.”

¹⁵ Con cứq ơ! Mới chỗi pờq cóp alói; cóq mới viaq ỡng tễ ranáq alói. ¹⁶ Alói coáp lúq ễ táq ranáq sâuq. Alói hớl thág ễ cachĩt cũai. ¹⁷ Khân yoang alieiq đốq to chốmh, ma chốmh hữm nhũang, ki alieiq tở bữn cõt kia ntrứu. ¹⁸ Máh cũai táq ranáq ngkíq, ỉn alói to rêu đốq sarót tacong alói bữm. ¹⁹ Machống ki tê, cũai tuiq crong cũai canốh, đỏi tamoong án cõt pút.

Sương Tễ Ốc Roan Pau Atờng Tâng Máh Rana

²⁰ Cóq tamứng nơ! Sương tễ ốc rangoaiq pau tâng máh rana cóp tâng đống. ²¹ Sương ki ralông toâq máh ngoah toong viang vil, pữ ntốq cũai proai đốq rôm cóp tampống parnơi, pai neq:

²² “Máh cũai sacũl ơ! Noâng dũn máh léq anhia cõt sacũl? Noâng dũn máh léq anhia yoc ễ saryễ tở ểq rien yỗn cõt rangoaiq? ²³ Cóq anhia tamứng toâq cứq catoaih atờng; cứq ễ tểih ốc o yỗn anhia, cóp ễ sacrai ốc rangoaiq yỗn anhia. ²⁴ Cứq khoiq arô anhia, cóp mới yỗn anhia toâq, ma anhia tở bữn ta-ỡi; cứq cuvoi q ớn anhia toâq, ma anhia tở bữn ramíng loâng. ²⁵ Anhia táq ngứl-ngungứl thág tễ santoiq cứq tểih atờng, cóp tở ểq yỗn cứq nhoac-anhoai anhia. ²⁶ Yuaq ngkíq, toâq anhia ramóh túh coat,

cứq lứq cacháng ayê chóq anhia. Toâq anhia ngcõh ayín, cứq atũl anhia. ²⁷ Máh ọc cuchĩt pút toâq pỡ anhia ariang cuyal rapuq, cớp ọc rúng pút tamplán thág toâq pỡ anhia ariang cuyal avêng; anhia lứq bữn ọc túh ngua cớp ọc túh coat. ²⁸ Bo ki anhia lứq arô cứq, ma cứq tỡ ẽq ta-õĩ; anhia chi-chuaq cứq dũ ntốq, ma anhia tỡ bữn tamóh. ²⁹ Anhia tỡ ẽq rien, cớp anhia tỡ ẽq trĩh Yiang Sursĩ. ³⁰ Anhia tỡ ẽq tamúng loâng santiago cứq tĩeih atống, cớp anhia tỡ bữn míng loâng toâq cứq sươq anhia. ³¹ Cỗ tian ngkíq, anhia lứq bữn roap cóng puai máh ranáq sâuq anhia khoiq táq. ³² Máh cũai sacũl cuchĩt cỗ tian alóĩ ốq ọc rangoaiq; ọc cuchĩt pút toâq pỡ alóĩ cỗ tian alóĩ tỡ bữn ramíng ntróu. ³³ Ma cũai aléq trĩh cứq, cũai ki bữn ốt plot ien. Án tỡ bữn clong ngcõh ọc crooq criat toâq pỡ án.”

2

Kia Tẽ Ớc Roan Rangoaiq

¹ Con cứq ơi! Cóq mới ỉt máh santiago cứq atống, cớp chõĩ khĩr máh ranáq cứq ớn mới táq. ² Cóq mới pachêng cutũr tamúng máh ọc roan rangoaiq, cớp cóq mới cutóng nheq rangũh yõn dáng tẽ ngê ki. ³ Cóq mới arô sếq cớp chi-chuaq yõn dáng sapúh. ⁴ Cóq mới ravoât ọc rangoaiq ariang mới ravoât práq, tỡ la máh mun noau cutooq dỏq. ⁵ Khân mới táq ngkíq, ki mới dáng yám noap Yiang Sursĩ; chơ mới tẽq tamóh cớp dáng ngê Yiang Sursĩ. ⁶ Yiang Sursĩ la án ca yõn bữn ọc roan rangoaiq; santiago án, táq

yõn cũai têq dáng cốp têq sapúh. ⁷ Án chuai cốp bán curiaq máh cũai bữn mút tanoang o cốp táq p̄ieiq níc. ⁸ Án bán k̄iaq máh cũai táq ranáq tanoang tapúng, cốp máh cũai sa-âm án lứq samoât.

⁹ Khân mới tamúng cứq, ki mới têq dáng ranáq tanoang o, ranáq p̄ieiq, cốp ranáq tanoang tapúng. Mới têq táq dũ ranáq o. ¹⁰ Ngkíq mới lứq cõt cũai rangoaiq cốp sâng bũi cõ tể máh ngê mới dáng. ¹¹ Cõ mới dáng ngê táq carsiat o cốp mới sapúh tể máh ngê p̄ieiq, máh ramứh ki lứq bán curiaq mới, ¹² cốp catáng mới tở yõn táq ranáq lôih. Cốp ranáq nâi chuai mới yõn vớt tể cũai loai ca bar mút. ¹³ Cũai ki khoiq táh chíq rana tanoang o đợq p̄õq tâng rana canám ẽn; ¹⁴ cũai ki sâng bũi tâng ranáq sâuq, cốp yoc lứq táq ranáq tở o; ¹⁵ tâng dõi tamoong alóit táq moang cooc véc sâng.

¹⁶ Mới têq viaq tể mansẽm tở o, la mansẽm đợq raphếq rathũ na santoiq languat laham yõn mới sapúl táq ranáq lôih. ¹⁷ Mansẽm nâi tở bữn tanoang chóq cayac án tể dâu, cốp án khlĩr máh santoiq án khoiq parkhán choâng moat Yiang Sursĩ. ¹⁸ Khân mới ma p̄õq chu ntốq niang ki õt, ranáq ki la ãn mới p̄õq chu ntốq cuchĩt. Yuaq rana ki p̄õq chu ntốq cuchĩt. ¹⁹ Tở bữn noau p̄õq ramóh niang ki ma bữn p̄ih chu loah. Án tở nai p̄ih loah chu rana têq yõn án tamoong. ²⁰ Yuaq ngkíq, mới cóq táq ãn cũai o, cốp táq p̄õq tâng máh rana tanoang o. ²¹ Yuaq ống máh cũai sabóng cốp cũai tanoang o sâng bữn õt tâng

cruang cutēq hái. ²² Ma Yiang Sursĩ lúq curốm máh cūai sấuq cớp tuih aloõh tễ cutēq ki, dếh padốt nheq máh cūai lôih samoât noau rợq nỡm aluang.

3

Ốc Rangoiq Cớp Trĩh

¹ Con cứq ơ! Chỗi khlĩr tễ máh ramứh cứq atõng. Cớq mới cayốm đợq tâng mút máh ramứh cứq patập. ² Santoiq cứq tĩeih atõng tềq yõn mới ốt cớng tamoong dũn cớp dũ ranáq mới táq la pân cõt nheq. ³ Bo léq la chỗi táh ốc yám noap cớp ốc tanoang tapứng. Cớq mới ỉt máh ramứh ki nguac đợq tâng tacong; cớq mới chĩc đợq tâng mút pahõm. ⁴ Khân mới táq ngkíq, Yiang Sursĩ cớp máh cūai sâng bũi pahõm cớp mới.

⁵ Cớq mới sa-âm Yiang Sursĩ nheq mút pahõm. Chỗi ươ tễ ốc mới chanchóm pai dáng. ⁶ Cớq mới chanchóm chu Yiang Sursĩ nhũang tễ dũ ranáq mới ẽ táq, chơ án lúq yõn mới hũm rana pĩeiq lúq. ⁷ Chỗi chanchóm mới rangoiq hỡn tễ cūai canõh; ma cớq mới trĩh Yiang Sursĩ, cớp chỗi táq ranáq sấuq. ⁸ Khân mới táq ngkíq, ốc rangoiq ki cõt samoât rahâu blẽng đợq tahâu bớc mới cớp táq bán dũ ramứh a-ĩ. ⁹ Cớq mới yám noap Yiang Sursĩ cớp chiau sang sanốc ntữn mới yõn án, dếh chiau sang máh palâi sarnóh anhia ỉt tễ dẫu lúq. ¹⁰ Khân mới táq ngkíq, mới lúq bữn saro poân sũ cớp bữn blõng nho clũr cliei toau ốq nốq ẽ đợq noâng.

11 Con cứq ơi! Toâq Yiang Sursĩ manrap, cóq mới tamúng yõn samoât cóp noap ãt máh ọc án sươq ki. 12 Yiang Sursĩ manrap máh cũai án ayooq, ariang mpoaq manrap con ca án sâng bũi pahõm. 13 Bốn lứq toâq pữ cũai bũn sarnóm rangoaiq, la cũai ca bũn mút sapúh. 14 Kia tẽ ọc rangoaiq moat clũi tẽ kia práq yẽng. 15 Ốc roan rangoaiq bũn kia hõn tẽ máh tamáu moat, lứq tở bũn ramúh ntróu cũai yoc ẽ bũn, ma têq talĩ cóp ọc rangoaiq. 16 Ốc roan rangoaiq yõn mới têq ốt cóng tamooing dũn, dẽh cõt sốc achõn cóp bũn chóc hữ. 17 Ốc roan rangoaiq táq yõn dõĩ tamooing mới ien khẽ, cóp dũng mới pữq nốq plot ien. 18 Ốc roan rangoaiq la samoât aluang yõn cũai têq tamooing; bốn lứq cũai ca ãt palai tẽ aluang ki.

19 Yiang Sursĩ tẽng cõc cutẽq nãi nhơ tẽ sarnóm rangoaiq án; nhơ tẽ án dáng, ngkiq têq án achúh paloõng yõn ốt dõng muoi nốq. 20 Án dáng táq yõn dõq hoi túng-tooc, cóp táq yõn ramúh cõt dõq mia sẽng chu cloong cutẽq.

21 Con cứq ơi! Cóq mới yõng yõn samoât ọc rangoaiq cóp dáng táq yõn carsiat o. Chõĩ yõn bar ramúh nãi loõh chíq tẽ mới. 22 Bar ramúh ki lứq táq yõn mới bũn tamooing, cóp cõt samoât chúc mới ngcuac tâng tacong. 23 Mới têq tayáh pữq plot ien cóp tở bũn cudõh ntróu. 24 Toâq mới mut bẽq, ki mới tở bũn sâng ngcõh ntróu, cóp mới têq bẽq langêt o. 25 Mới tở bũn clong noâng tẽ ranáq cuchĩt pút ca toâq cháĩ lứq pữ

cūai sâuq, samoât cuyal rapuq. ²⁶ Yiang Sursĩ ẽ bán kĩaq mới yõn plot-plál. Án tở bữn táh mới yõn chuát tâng rabang noau khoiq to đõq.

²⁷ Bo léq mới têq chuai, ki cóq mới chuai máh cūai bữn ọc túh coat. ²⁸ Chõĩ yõn yóu õt acoan toau toâq tangái parnõ; khân mới têq chuai alóĩ, ki cóq chuai toâp. ²⁹ Chõĩ aloõh ngê sâuq chók yóu õt cheq mới, yuaq alóĩ noap mới nheq rangúh. ³⁰ Chõĩ ralõih cóp cūai canõh tở cõt ọc ntróu, yuaq án tở nai táq ntróu chók mới. ³¹ Chõĩ sa-on cumíq tẽ cūai tachoât, tở la tũoiq ãn alóĩ, ³² yuaq Yiang Sursĩ kêt máh cūai táq ranáq sâuq, ma án noap cūai tanoang o. ³³ Yiang Sursĩ pupap máh đõng sũ cūai loái, ma án yõn ọc bốn pữ máh đõng sũ cūai tanoang o. ³⁴ Yiang Sursĩ tở bữn noap cūai õt, ma án chuai miat cūai ca asẽng tỗ. ³⁵ Cūai canõh yám noap máh cūai bữn sarnóm rangoaiq, ma máh cūai sacũl cõt casiet.

4

Ổc Rangoaiq Bữn Kia Sa-ũĩ Ramúh

¹ Máh con acái cứq ơi! Cóq anhia trĩh santoiq cứq patâp anhia. Cóq anhia tamứng yõn samoât, chơ anhia têq sapúh. ² Cứq atõng anhia moang ranáq o. Yuaq ngkíq, cóq anhia chõĩ táh. ³ Bo cứq noâng carnẽn, mpiq cứq bữn con ống muoi noaq cứq toâp; ⁴ mpoaq cứq atõng cứq neq: “Cóq mới sanhũ, cóp chõĩ khĩr máh santoiq cứq patâp. Cóq mới táq puai yõn samoât máh santoiq cứq atõng, chơ mới bữn tamoong. ⁵ Cóq

mới rien yõn cõt cũai rangoaiq cớp sapúh. Chõĩ khlĩr, tở la táq claiq chíq, máh santoiq cứq patáp. ⁶ Chõĩ táh palõ miat ốc rangoaiq, yuaq ốc rangoaiq têq bán curiaq mới; cóq mới pasếq ốc rangoaiq, chơ ốc rangoaiq ki têq bán curiaq mới yõn ốt plot-plál. ⁷ Ốc rangoaiq la toâr clũĩ nheq tể ốc canõh. Ngkíq, cóq mới chũuq tồh máh mun dũ ramúh đốq mới têq bữn ốc rangoaiq.* ⁸ Cóq mới pasếq ốc rangoaiq, chơ ốc rangoaiq lứq táq yõn noau yám noap mới. Cóq mới yống pacái ốc rangoaiq, yuaq ốc ki têq táq yõn cũai canõh khẽn mới. ⁹ Ốc rangoaiq mới cõt ariang vuam piar ỡi tamái đốq apung chốq tâng plõ ai tamái án.”

¹⁰ Con cứq ời! Tamúng cứq nơ! Cóq mới noap nheq mứt pahõm máh santoiq cứq patáp đốq mới têq bữn ốt cóng tamoong dũn. ¹¹ Cứq atõng mới tể ốc rangoaiq cớp ngê táq pỡq tâng rana tanoang. ¹² Khân mới táq ngkíq, tở bữn muoi ramúh ntróu têq catáng rana mới pỡq. Toâq mới lúh, mới tở bữn cudõh ntróu. ¹³ Cóq mới cayóm níc máh ramúh mới khoiq rien chơ. Máh ramúh ki têq ayông dõĩ tamoong; cóq mới yống pacái máh ramúh ki. ¹⁴ Chõĩ puai ngê cũai sâuq; chõĩ táq ãn cũai loai đốq táq. ¹⁵ Chõĩ táq ngkíq! Cóq mới viaq yong tể máh ranáq sâuq! Cóq mới veh chíq tể rana ki, cớp títng pỡq tâng rana tanoang. ¹⁶ Cũai sâuq tở rơi bếq khân alóĩ tở yũah bữn táq ranáq lôih. Alóĩ mut bếq ma moat alóĩ ốt chih-pachih léng-paléng níc khân alóĩ tở yũah táq

* **4:7** 4:7 Bữn choaiq tiaq tở bữn bữn rana nãi.

cūai canōh. ¹⁷ Ranáq sâuq cốp ranáq plampla cõt samoât crơng sana cốp đờq nguaiq yõn alói.

¹⁸ Rana máh cūai tanoang o cõt samoât sarõng moat mandang tarup tẽ cláih, cõt poang la-ũt toau toâq tangái. ¹⁹ Ma rana máh cūai sâuq pờq cõt canám til-nhil. Alói dóm, ma alói tở bữn dáng alói cudõh ntróu.

²⁰ Con cứq ơi! Cóq mới tamúng máh ọc cứq atõng mới. Cóq mới noap máh santoiq cứq atõng. ²¹ Chõn yõn santoiq ki pút chíq tẽ mới. Cóq mới cayóm đờq máh santoiq ki tâng mút pahõm. ²² Aléq noap santoiq ki bữn dõn tamoong o; cốp santoiq ki táq yõn tở chác án cõt bán sũan. ²³ Cóq mới nhêng carsiat o máh sarnóm mới chanchóm, yuaq dõn tamoong cốp ranáq táq la toâq tẽ sarnóm chanchóm. ²⁴ Cóq mới táh chíq santoiq táq ntõng tở bữn lứq. Chõn rabũl cốp máh ranáq ralôp. ²⁵ Cóq mới nhêng níc chu moat bo mới pờq tâng rana, cốp chõn luliaq chu nâi chu ki. ²⁶ Cóq mới tutuaiq pờq tâng rana tanoang, chơ máh ranáq mới ẽ táq lứq cõt ranáq p̄ieiq. ²⁷ Cóq mới viaq tẽ máh ranáq sâuq, ma pờq tâng rana tanoang sâng. Chõn cuyau aloõh tẽ rana p̄ieiq.

5

Santoiq Sươq Tẽ Ranáq Cooc Noau

¹ Con cứq ơi! Cóq mới tamúng yõn samoât tẽ ọc rangoaiq cốp máh ọc cứq dáng; ² chơ mới têq dáng táq ranáq carsiat o, cốp santoiq mới pai têq apáh mới dáng sa-ũi ngê rangoaiq. ³ Lacuoi

cūai canõh táq ntõng ngiam parhẽng samoât dõq khĩal, cõp láih parnai án ẽm samoât dõq nsẽng o-li-vê; ⁴ ma toâq parsõt, mansẽm ki cõt samoât bát ntáng cõp bõc hết-rahết samoât pla dau bõc bar coah. ⁵ Mansẽm ki ẽ dững mới põq chu ntõq cūai cuchĩt õt, yuaq rana án põq chu ntõq cuchĩt. ⁶ Án tở bữn ramóh rana põq chu ntõq tamoong, ma án põq tâng rana cooc tở dáng chu léq chu léq.

⁷ Mách con cứq ơi! Cóq anhia tamúng cứq nơ! Chõi khlĩr máh santoiq cứq atõng. ⁸ Cóq anhia viaq yõng tẽ mansẽm táq ngkĩq, dẽh chõi tarõq cheq ngoah toong dõng án. ⁹ Khãn mới põq cheq, cõh lơ cūai canõh tở bữn yám noap noâng mới; cõp mới lữq cuchĩt bo noâng póng na atĩ cūai õq mút sarũiq táq. ¹⁰ Mách cūai tẽ cruang canõh ẽ ỹt nheq máh crõng anhia; chơ máh crõng anhia khoiq parõm cõt crõng cūai canõh ẽn. ¹¹ Toâq parsõt dõi tamoong mới, mới lữq bẽq chuchõr tâng cachõng mới, yuaq tở chác mới cõt a-ĩ oiq rakhuoc. ¹² Chơ mới ẽ pai neq: “Cõ nõq cứq tở ẽq cūai canõh catoaih atõng cứq, cõp tở ẽq cūai canõh anhoac-anhoai? ¹³ Cứq tở bữn tamúng santoiq máh thài atõng. Cứq tở bữn ramúng tẽ santoiq alõi pai. ¹⁴ Cứq khoiq ramóh ớc casiet táq tâng mpúng dĩ cūai tâng vĩl cứq, bo alõi toâq rôm parnoi.”

¹⁵ Cóq mới nguaiq ống dõq tẽ chũrong mới bữm; cóq mới ayooq ống lacuoi mới sâng. ¹⁶ Chõi yõn dõq mec mới tahóc tâng rana; chõi bẽq cõp mansẽm canõh. ¹⁷ Cóq mới bẽq cõp ống

lacuoi mới sâng; chỗi bẻq cớp mansẽm canõh.*
 18 Ngkíq, cóq mới õt bũi cớp ống lacuoi mới
 sâng, la mansẽm mới racoaiq bo anhia noâng
 póng. 19 Mansẽm ki o lamũaiq tháng cớp án
 pupõq práih pról samoât yõt cán. Yõn máh ọc
 raháp tẽ mansẽm ki táq yõn mới sâng bũi; cớp
 yõn mansẽm ki ayooq níc mới. 20 Con cứq ơi!
 Cỗ nõq mới ẽr áiq yoc ẽ bũn lacuoi cũai canõh?
 Chỗi kĩaou mansẽm canõh. 21 Yiang Sursĩ hũm dũ
 ramúh mới táq. Tam mới põq chu léq, ma án õt
 nhêng níc mới. 22 Ranáq lôih cõt ariang rabang
 yõn máh cũai táq lôih; alóí ki chuat bũm tâng
 rabang alóí to dõq. 23 Alóí cuchĩt cỗ tian alóí tở
 bũn rabán o tở alóí bũm. Ồc sacũl alóí cutól alóí
 chu prúng sarõng.

6

Santoiq Catoaih Cũai Sacũl

1 Con cứq ơi! Mới khoiq parkhán ẽ tu tang cũai
 canõh tở? Cớp mới khoiq yõn tếc dõq culáh tu
 tang tở? 2 Cõh lơ noau cớp mới cỗ tian tẽ santoiq
 mới bũm; chơ mới chuat tâng rabang la cỗ tẽ
 santoiq mới parkhán. 3 Con cứq ơi! Khãn ngkíq,
 mới õt tâng talang atĩ cũai ki chơ. Nãi la ranáq
 mới têq loõh tẽ ọc ki: Cóq mới põq ramóh cũai
 ki cháí, cớp sễq án acláh mới. 4 Mới chỗi bẻq
 yũah; chỗi canhĩt moat yũah. 5 Cóq mới curál

* 5:17 5:17 Bũn noau parlong rana nãi neq: 'Toàq máh con mới
 toâr achõn dõq yõn alóí rachuai mới, tở cõn cũai canõh.'

yõn raplũot tẽ rabang ki, táq ariang chóm tõ la
yõt racláh tẽ rabang cũai niei prian.

Santoiq Catoaih Cũai Aloah

⁶ Cũai aloah ơi! O lứq mới rien tẽ samũiq,
chơ tutuaiq yõn cõt rangoaiq. ⁷ Samũiq ốq niei
ayông, ốq arieih, ốq án ca sõt ndõm; ⁸ ma catũ
phũac án parõm pachúm đọq sana toâq catũ
sangẽt. ⁹ Cũai aloah ơi! Noâng dũn maléq mới
bếq anũa níc? Bo léq nõq mới tamõ? ¹⁰ Mới pai
neq: “Cứq ẽ bếq anoang ngkĩng mahõi sâng; cứq
curốq atĩ bếq rlu mahúiq voai.”

¹¹ Ma bo mới bếq, ốc cadĩt toâq pỡ mới samoât
muoi noaq cũai toâq rapõn.

¹² Mách cũai hũat cốp cũai loài, alóí mác lứq
táq ntõng lauq. ¹³ Alóí cunhũu moat, avũt ayũng
tõ la sadoi chu nâi chu ki; khân mới hũm ngkíq,
ki la tếc án ẽ phéq mới. ¹⁴ Alóí aloõh moang ngê
sâuq tẽ mút alóí đọq táq ranáq sasrúc tâng dũ
ntốq. ¹⁵ Cỗ ngkíq, ốc túh coat santar sâng toâq
pỡ alóí, cốp alóí cõt cuchĩt pứt.

¹⁶ Bữn tapul ramứh Yiang Sursĩ kêt cốp án tõ
ẽq hũm, la neq: ¹⁷ Moat đọq culiau cũai canõh;
lieih đọq loai santoiq lauq; atĩ đọq cachĩt cũai tõ
bữn táq lôih ntróu; ¹⁸ mút đọq aloõh ngê tõ o;
ayũng tál lúh ẽ táq ranáq sâuq; ¹⁹ cũai đọq caug
apót cũai canõh cốp sasrúc sêm ai.

Catoaih Tẽ Ranáq Cooc Noau

²⁰ Con cứq ơi! Cóq mới táq puai santoiq mpoaq
mới patâp; chõĩ khlĩr máh ốc mpiq mới atõng.

²¹ Cóq mới yõng níc máh santoiq alóí patâp, cốp

cayóm đõq níc tâng mút mới. ²² Bo mới pởq tâng rana, santoiq alói catoaih têq ayông mới; bo mới bẻq, santoiq ki têq kĩaq mới; toãq mới tamõ, máh santoiq ki têq anhoac mới. ²³ Ốc alói patâp aclaq poang tâng rana mới pởq; santoiq alói tĩeih atõng yõn mới dáng táq pởq tâng dõi tamoong mới. ²⁴ Máh santoiq ki têq rabán mới yõn vớt tễ mansẽm táq ranáq sãuq, cớp tễ santoiq lacuoi noau đõq phẻq thũ samiàng canõh. ²⁵ Chõi yõn ốc raháp mansẽm ki radũng mút pahõm mới; chõi yõn carbéh moat án cõt rabang cuoiq mới. ²⁶ Mansẽm chẻq tỗ táq yõn mới cõt cadĩt. Ma khân mới bẻq cớp lacuoi noau, ốc ki la mới chõng palõ miat dõi tamoong mới.

²⁷ Têq noau ãt rahũng ùih, chơ chỏq đõq tâng apõm, ma au án tỡ bữn cat tỡ? ²⁸ Têq noau tĩn tâng rahũng ùih, ma ayũng tỡ bữn paldóng tỡ? ²⁹ Cũai alẻq bẻq cớp lacuoi cũai canõh, án lứq cõt ariàng ki tê. Cũai alẻq táq ngkĩq, án roap ốc bap ntàng lứq. ³⁰ Máh cũai tỡ bữn kêt cũai tutuoiq cõ án panhieih;* ³¹ ma khân noau bữn cớp án, ki án cóq tu tapul trõ, tam án cóq pứt dũ ramũh án bữn. ³² Samiàng alẻq ma cooc lacuoi noau, ki án cõt ariàng pai án ốq sarnóm; cớp án chõng pupứt bữm dõi tamoong án. ³³ Chỏc án lứq cõt ralĩh, cớp noau lứq toãn catũng án; chơ án cõt casiet níc. ³⁴ Cayac mansẽm ki cõt nsỏq lứq cõ án kiar lacuoi án; ngkĩq yuaq án carláh đõq tỡ bữn sarũiq táq alẻq noàng. ³⁵ Án tỡ bữn

* **6:30** 6:30 Rana 30 nãi tỡ bữn raloaih tâng parnai Hê-bơ.

ĩt práq noau chõng mút pahõm án, tõi la roap
crõng mpon sa-ũĩ máh léq, yuaq máh crõng ki
tõi tẽq táq yõn mút án pút nsóq.

7

¹ Con cứq ơi! Cóq mới sanhữ máh santoiq cứq
patâp. Chõĩ khlĩr máh ranáq cứq ớn mới táq.

² Cóq mới táq puai máh ranáq cứq atõng, chơ
mới bữn tamooong. Cóq mới yõng yõn pacái máh
santoiq cứq ớn, samoât mới rabán moat mới
tê. ³ Cóq mới cupõtt yõn pacái dũ sadâu tangái

máh santoiq cứq atõng mới; cóq mới chĩc đõq
máh santoiq ki tâng mút pahõm mới. ⁴ Cóq mới
ayooq ốc rangoaiq samoât mới ayooq amuaq mới
tê, cớp cóq mới pasẽq ốc rangoaiq samoât mới
pasẽq yóu ratoĩ. ⁵ Máh ramứh ki tẽq rabán mới
tõi yõn lacuoi cũai canõh radũng mới táq ranáq
sâuq, cớp yõn mới vót tẽ mansẽm táq ntõng
languat laham cõ ẽ radũng mới táq lôih.

⁶ Bữn muoi tangái cứq tamõc toong piang đõng
cứq; ⁷ chơ cứq hữm máh samiàng póng sacũl pợq
tâng rana. Cớp cứq hữm muoi noaq samiàng
póng tõi bữn sapúh loâng. ⁸ Án tayáh toâq pữ
canũt rana; cớp bữn muoi noaq mansẽm raphẽq
rathũ õt tâng ntốq ki. Samiàng ki tayáh cheq
đõng niang ki ⁹ bo paloõng sadâu canám pẽc.

¹⁰ Chơ niang toâq ramóh án; niang ki tâc tampác
samoât mansẽm chẽq tõi, cớp aloõh ngẽ raphẽq
rathũ án. ¹¹ Mansẽm nãi la cũai ẽr áiq tháng yoc
ẽ bữn samiàng, cớp tõi bữn dáng casiet loâng;
án luloah níc tâng rana. ¹² Án đõq õt crốq

bân rana canũt lakẽng, tở la tâng máh rana, tở la tâng đõng. ¹³ Ân palõng kĩa cớp hũn hĩt samiang póng ki; án nhêng lĩeu-palĩeu cớp pai neq: ¹⁴ “Tangái nãi cớq đĩng cớng toãq chiau sang, cớp bữn sãiq tẽ cớng chiau sang ki. ¹⁵ Chơ cớq loõh acoan mới, cõ cớq yoc ẽ ramóh mới; cớp sanua cớq ramóh. ¹⁶ Cớq khoiq sữn đõq nốq bẽq toãq aroãiq busín sa-ũĩ santũm tẽ cruang Ê-yip-tô. ¹⁷ Cớq khoiq sữn aroãiq ki cớp chỏq siet phuom mứr, trâm, cớp kẽq tâng aroãiq ki. ¹⁸ Põq yơ! Chơ hái pruum bũi óh nheq sadâu. Hái bẽq parnơi yõn bũi! ¹⁹ Cayac cớq tở bữn õt ndõng; án põq cruang yơng. ²⁰ Ân đũng práq sa-ũĩ, noãng bar tổn nõq án pĩ chu.”

²¹ Mansẽm ki payoc samiang nãi yõn sapủl tâng santoiq languat laham. ²² Bo ki toãp sami-ang ki puai mansẽm ki, ariang ntroõq tangcáh noau tẽc chu nốq cachĩt, cõt ariang põih põq rurôi, chơ põq chu nốq noau sĩ taho,* ²³ toau án chuát loãng. Samiang nãi la ariang chỏm pâr chu rêu, ma án tở bữn dáng loãng án ntôm pâr chu nốq cuchĩt.

²⁴ Máh con cớq ơi! Sanua cóq anhia tamứng cớq nơ. Cóq anhia noap yõn samoat lứq tẽ santoiq cớq atõng. ²⁵ Chõĩ yõn mansẽm paneq bữn riap mút pahõm mới; chõĩ sarlỏq cớp án. ²⁶ Ân cơi táq yõn sa-ũĩ náq samiang cõt rúng; cớp cõ tian án sa-ũĩ náq samiang cuchĩt. ²⁷ Khãn

* **7:22** 7:22 Rana 22 nãi tở bữn raloaih tâng parnai Hê-bơ.

anhia p̄ṣ chu đống án, nâi la machóng anhia p̄ṣ chu prúng saróng, la ntốṣ cũai cuchĩt ốt.

8

Ốc Rangoiṣ Bữn Kia Lứṣ

¹ Cóṣ tamứṅṅ! Santoiṣ rangoiṣ ntôm pau atởṅṅ; santoiṣ ki táṣ yỗn sa-ữi náṣ cũai bữn sâng sường án arô. ² Santoiṣ rangoiṣ ốt tâṅ anũol cóh cớṣ tâṅ rana téh-cláng. ³ Santoiṣ rangoiṣ ốt cheṣ ngoah toong p̄ṣ ramỏh vil, cớṣ pau neṣ: ⁴ “Ồ máh cũai samiang ơ! Cứṣ arô anhia! Sường cứṣ arô casang toáṣ p̄ṣ dũ náṣ cũai tâṅ cớṣ cutểṣ nâi. ⁵ Máh anhia ca táṣ ariang carnễn ơ! Cóṣ anhia rien yỗn dáng ngê rangoiṣ. Máh cũai sacũl ơ! Cóṣ anhia rien yỗn dáng samoát lứṣ. ⁶ Cóṣ anhia tamứṅṅ máh santoiṣ cứṣ pai, yuaṣ santoiṣ ki bữn kia lứṣ; dũ ramứh cứṣ pai la moang ốṣ p̄ṣeiṣ. ⁷ Láih parnai cứṣ moang lứṣ nheṣ; cứṣ kêt santoiṣ cũai táṣ ntởṅṅ tở bữn lứṣ. ⁸ Dũ santoiṣ cứṣ pai la moang p̄ṣeiṣ, tở bữn santoiṣ ntróu ma cooc tở la raphểṣ rathũ. ⁹ Máh cũai dáng sa-ữi ramứh têṣ dáng raloaih tể santoiṣ cứṣ pai; máh cũai yoc dáng raloaih, cũai ki têṣ dáng tể santoiṣ cứṣ pai la p̄ṣeiṣ nheṣ. ¹⁰ Khaṣ mới rươh santoiṣ cứṣ t̄ieih atởṅṅ nâi, saláng mới rươh práṣ; khaṣ mới rươh yỗn dáng samoát, saláng mới chi-chuaṣ yểṅṅ. ¹¹ Yuaṣ ốṣ rangoiṣ bữn kia hỡn tể tamáu moat; ntróu mới yoc ể bữn, ki tở têṣ talĩ cớṣ ốṣ roan rangoiṣ. ¹² Cứṣ nâi toáp la ốṣ rangoiṣ; cứṣ têṣ dáng samoát samới; cứṣ bữn ngê dáng cớṣ

ngê táq carsĩat o. ¹³ Khãn anhia yám noap Yiang Sursĩ lứq samoât, ki anhia kêt ranáq sâuq; cứq kêt ranáq ốt, ranáq plampla, ranáq sâuq, cứp santoiq apót. ¹⁴ Cứq aloõh ngê, chơ cứq táq puai ngê ki; cứq bữn ọc sapúh cứp cứq bữn chóc. ¹⁵ Nhơ cứq rachuai, máh puo ma bữn cõt sôt, cứp máh cũai sôt têq aloõh phễp rit tanoang tapúng. ¹⁶ Cỗ nhơ tễ cứq, máh cũai sôt tâng cộc cutêq nãi bữn chóc, cứp cứq chuai yõn alóĩ aloõh phễp rit tanoang o. ¹⁷ Cứq ayooq máh cũai ayooq cứq; cũai aléq chi-chuaq cứq, lứq án ramóh cứq. ¹⁸ Cứq bữn sanóc cứp ọc yám noap đởq yõn anhia, dềh sốc bữn cứp ọc p̄ieiq o. ¹⁹ Máh ramứh cứq yõn anhia la o hữn tễ yềng muoi chít; bữn kia hữn tễ práq tiaq. ²⁰ Cứq táq p̄õq tâng rana tanoang o, cứp tâng rana p̄ieiq o. ²¹ Cứq yõn cũai ayooq cứq ca bữn sanóc nữn sa-ũi, cứp cứq táq yõn đổng alóĩ poãn moang cớng ngoaih.

²² “Yiang Sursĩ tềng cứq nhũang, ki nỏq án tềng máh ramứh canõh; dâu lứq la án tềng cứq. ²³ Án tềng cứq tễ đõĩ mbỏq arái, nhũang tễ án tềng cộc cutêq nãi. ²⁴ Bữn cứq nhũang voai, moâm ki nỏq bữn đởq mưt, cứp bữn mec đởq. ²⁵ Nhũang án achúh máh cóh king, cứp nhũang tễ án tềng máh cuar cóh, la cứq khoiq bữn chơ, ²⁶ nhũang Yiang Sursĩ tềng cộc cutêq nãi, tềng nia sarái, tở la tềng phốn cutêq trỗ dâu. ²⁷ Cứq khoiq ốt tâng nỏq ki bo án achúh paloõng; bo án táq nỏq yõn púp paloõng cứp púp đởq mưt

parchōq parnoi; ²⁸ bo án achúh máh ramúl tâng paloong, cōp bo án cloong lantar yōn padōh đōq cōt đōq mưt; ²⁹ bo án táq raloan yōn đōq mưt ốt, tở yōn đōq mưt luat tễ raloan án khoiq anoat; bo án achúh tanang cōc cutēq nâi, bo ki cứq khoiq bữn chơ. ³⁰ Bo ki cứq ốt kễng án, ariang cūai Chiang mpruam táq đōng tê. Cứq táq yōn án sâng bũi óh cu rangái; cōp cứq sâng bũi níc ốt choang moat án. ³¹ Cứq sâng ỡn chỡ lứq yuaq án tềng cōc cutēq nâi, cōp cứq sâng bũi pahōm án tềng dũ náq cūai.

³² “Máh cūai póng ơ! Cóc anhia tamúng cứq nơ! Cóc anhia táq puai ãn cứq pai; ngkíq anhia cōt bũi pahōm. ³³ Cóc anhia trĩh máh santoiq cứq tēih atōng. Cóc anhia cōt rangoaiq; chỡ cutiang táh máh santoiq cứq tēih atōng. ³⁴ Cūai aléq tamúng cứq, cūai ki bữn bỗn; án ki ốt acoan níc bân ngoah toong đōng cứq cu rangái. ³⁵ Cūai aléq bữn ramóh cứq, án bữn tamoong, cōp Yiang Sursĩ sâng bũi pahōm cōp án. ³⁶ Cūai aléq ma tở bữn ramóh cứq, ki án pupút tở án bữm; cūai aléq ma kêt cứq, ki án cumiar ốc cuchĩt.”

9

Rangoaiq Cōp Sacũl

¹ Ốc rangoaiq khoiq ayúng đōng án yōn bữn tapul tanũl. ² Ốc rangoaiq khoiq kiac charán đōq cha bũi, carchōc crōng phuom chóq tâng blōng nho, cōp thữan cachōng cha hỡ. ³ Ốc rangoaiq ớn máh mansẽm táq ranáq yōn án loõh tanrỗ tễ

ntốq sarõih lứq tâng vil, pai neq: ⁴ “Máh cūai sacũl ơ! Mut chu nâi!”

Chơ án mới máh cūai sacũl neq: ⁵ “Põq chu nâi! Toâq cha dõi cớp nguaiq blống nho ca cứq khoiq carchốc đốq. ⁶ Cớq anhia táh chíq ngê sacũl, chơ anhia têq bữn tamoong. Cớq anhia táq pởq puai ngê rangoaiq.”

⁷ Khân mới catoaih atống cūai achõn tở, ki án ayê ra-ac loah mới. Khân mới tĩeih atống cūai loai, ki án pai ĩ-par-ĩ loah chóq mới. ⁸ Chõĩ anhoac cūai đốq ayê ra-ac, yuaq án ẽ kêt mới. Ma khân mới catoaih atống cūai rangoaiq, lứq án yám noap mới. ⁹ Dũ santoiq mới atống cūai rangoaiq, án cõt rangoaiq tữm ẽn. Máh santoiq mới atống cūai tanoang o, án cõt dáng achõn ẽn.

¹⁰ Yám noap Yiang Sursĩ la nỡm ốc roan rangoaiq. Khân mới dáng Yiang ca bráh o, ki mới bữn ốc sapúh sa-ũi. ¹¹ Ốc rangoaiq yõn mới bữn ốt cớng tamoong dũn. ¹² Khân mới bữn ốc rangoaiq, lứq mới bữn lơi achõn; ma khân mới tở ẽq ốc rangoaiq, lứq mới toáp ramóh ranáq túh coat.

¹³ Ốc sacũl la samoât mansẽm táq ntống casang; án tở dáng rabán tở án bữm, cớp án tở dáng ốt khũn phệp.* ¹⁴ Mansẽm ki đốq tacu tâng ngoah toong đống án, tở la tâng ntốq sarõih lứq tâng vil; ¹⁵ chơ án tanrõ chóq cūai ca luloah pởq chu đốq táq ranáq. Án pai neq: ¹⁶ “Máh cūai sacũl ơ! Mut chu nâi!”

* **9:13** 9:13 Rana 13 nâi tở raloaih tâng parnai Hê-brơ.

Chơ án mơi máh cūai sacūl neq: ¹⁷ “Dõq noau khoiq tuoiq ki nguaiq ngiam hỡn. Dõi khoiq noau tuoiq, ki cha ẽm lứq tẽ.”

¹⁸ Máh cūai ca õt tâng talang atĩ mansẽm ki, alới tỡ bữn dáng loâng alới ntôm pớq chu prúng sarống, la ntốq cūai cuchĩt õt.

10

Santoiq Pali Panha Tẽ Puo Sa-lamôn

¹ Nài la santoiq pali panha tẽ puo Sa-lamôn: Carnẽn rangoiq táq yõn mpoaq tanga pahõm; ma carnẽn sacūl táq yõn mpiq cõt túh ngua.

² Sốc bữn cõ tẽ táq ranáq sâuq, lứq tỡ bữn cõt kia ntrớu; ma ngê tanoang o tẽq chuai amoong cūai.

³ Yiang Sursĩ tỡ bữn yõn cūai tanoang o cõt panhieih khlac; cớp án tỡ yõn cūai sâuq bữn máh mút alới sâng yoc.

⁴ Cūai aloah cõt cadĩt lứq lơ; ma cūai sarâng cõt sốc la-ũt.

⁵ Cūai rangoiq parõm pachúm saro toâq catũ sot; ma cūai bẻq anoih bo catũ sot, lứq án cõt casiet táq.

⁶ Cūai tanoang o bữn roap ốc bốn sa-ũri ramứh; ma santoiq cūai sâuq pai đốq cutooq đốq máh ngê tachoát tâng mút án.

⁷ Bốn lứq hái sanhữ cūai tanoang o, ma cūai sâuq noau khlĩr cháit lứq.

⁸ Cūai rangoiq noap ít toâq noau tĩeih atống o; ma cūai sacūl bán luloai, ki cõt ranáq rúng.

9 Cūai tanoang o bñn õt plot-plál níc; ma cūai tở bñn tanoang, toâq parsót noau dáng raloaih tễ ranáq sâuq án táq.

10 Cūai cunhũ moat đởq cutooq ốc p̄ieiq, lứq án đởng atoâq ranáq túh coat; ma cūai aléq khởn sủoq choâng moat cūai táq ranáq lôih, ki án đởng ốc ratoi.*

11 Parnai cūai o cõt samoât mec đởq yỗn tamoong; ma parnai cūai sâuq đởq cutooq máh ngê tachoât.

12 Manoaq kêt manoaq táq yỗn cõt ralốih; ma manoaq ayooq manoaq táq yỗn manoaq têq táh lôih manoaq.

13 Cūai rangoaiq táq ntởng santoiq rangoaiq; ma cūai sacũl, lứq noau toân án toâq dũi.

14 Cūai rangoaiq rien yỗn dáng sa-ũi, machớng noau parôm pachứm saro tâng sũ; ma bởq cūai sacũl atoâq ranáq rúng pứt.

15 Máh cūai sỏc poâng tâng sanốc ntữn alói; ma cūai cadĩt ốq ntrớu ể poâng.

16 Cūai tanoang o bñn roap cóng tamoong; ma cūai sâuq, án palố chíq mun án na táq ranáq lôih.

17 Cūai aléq ma trĩh santoiq noau t̄ieih atởng, ki án bñn tamoong; ma cūai aléq ma tở bñn trĩh toâq noau t̄ieih atởng, ki án clốc rana.

18 Cūai aléq kêt yóu ma cutooq đởq tâng mút, án la cūai lauq; cūai aléq voỏq yóu, cūai ki la sacũl.

* **10:10** 10:10 Tở la: ‘Cūai loai níc santoiq sacũl, lứq án cõt rúng ralốh.’

19 Cūai loai sa-ũri đốq lêr lôih; ma cūai rangoaiq đốq án cubĩm bỗq.

20 Santoiq cūai tanoang o cõt samoât práq o lứq; ma sarnóm cūai sâuq chanchóm bữn kia nghễl lứq.

21 Santoiq cūai o atoâq ốc o yỗn sa-ũri náq; ma cūai sacũl cuchĩt cỗ tian án sacũl.

22 Ốc bốn tễ Yiang Sursĩ táq yỗn cūai cõt sốc bữn. Cóp án tở bữn acữn achỗn ễn ốc túh ngua yỗn hái.†

23 Cūai sacũl par-ễq táq ranáq sâuq; ma cūai rangoaiq mác lứq táq ranáq rangoaiq.

24 Ranáq ntróu cūai sâuq clong, ranáq ki lứq toâq pỡ án; ma ranáq ntróu cūai tanoang o ốt ngcuang, lứq Ncháu yỗn án bữn.

25 Tữ cuyal rapuq khoiq vớt chơ, cūai sâuq tở bữn noâng; ma cūai tanoang o noâng ốt plot ien níc.

26 Samoât nnhốq táq yỗn canễng cõt sakĩer, cóp phĩac ũih cu-ũt táq yỗn moat cõt yarıaq, machống ki tê cūai aloah táq yỗn ncháu án tở bữn bũi pahỗm.

27 Cūai aléq yám noap Yiang Sursĩ, án lứq bữn tamoong đũn; ma đỡi tamoong cūai loâi cõt cakéh la-ũt.

28 Toâq parsốt, ốc cūai o ngcuang táq yỗn án bũi óh; ma ốc cūai sâuq ngcuang ốq ntróu loâng.

29 Yiang Sursĩ la ntốq cūai tanoang o cupua; ma án pupút cūai táq ranáq sâuq.

† 10:22 10:22 Bữn noau parlong neq: 'Lứq pai hái táq ranáq ntâng, la tở bữn tềq táq yỗn hái cõt sốc achỗn ễn.'

³⁰ Cūai tanoang o bŭn ốt ien khẽ níc; ma cūai sâuq tở bŭn tamoong noâng tâng cloong cutẽq nâi.

³¹ Bõq cūai tanoang o táq ntõng santoiq ran-goaiq; ma bõq cūai sâuq, ki noau cusũm chíq.

³² Cūai tanoang o táq ntõng ống santoiq p̄ieiq; ma cūai sâuq táq ntõng moang santoiq ĩ-par-ĩ.

11

¹ Yiang Sursĩ tở ẽq lúq cūai lỏp na cân cânân tở bŭn p̄ieiq; ma án bũ pahõm cớp cūai cân cânân lúq p̄ieiq.

² Cūai achõn tở ẽ cõt casiet; ma cūai rangoaiq đốq asẽng tở bũm.

³ Cūai tanoang tapúng, ốc tanoang tapúng ki ayông níc án; ma cūai tở bŭn tanoang tapúng cõt pupút cõ tẽ ranáq án táq bũm.

⁴ Mách sanốc ntũn tở tẽq rachuai ntróu toâq tangái Yiang Sursĩ rablớh cūai; ma ngê tanoang o tẽq chuai amoong cūai.

⁵ Cūai tanoang o, ki ốc tanoang o ki táq yõn dõi tamoong án ốt ien khẽ; ma cūai loâi, ốc loâi ki táq yõn dõi tamoong án cõt rúng pút.

⁶ Ngê tanoang o chuai amoong cūai tanoang tapúng; ma cūai cooc véc chuát loah tâng rabang bũm cõ tian án lỏp noau.

⁷ Toâq cūai sâuq cuchĩt, ốc án nguang la cuchĩt tê; máh án canũm tâng sanốc bũm la tở bŭn cõt kia ntróu.

⁸ Yiang Sursĩ chuai yõn cūai tanoang o vót tẽ máh ranáq túh coat; ma ranáq túh coat ki toâq pở cūai loâi ẽn.

9 Cũai tở bữn sa-âm Yiang Sursĩ, lách parnai đợq pupúrt loah đống vil án bữm; ma cũai tanoang o, ki bữn vớt, cõ án rangoaiq.

10 Toâq cũai tanoang o cõt sớt bữn, ki máh cũai tâng đống vil cõt bũi óh tê; toâq cũai sâuq cõt rúng pút, ki bữn sâng toâp sường triau cupo bũi hỡr lứq.

11 Cũai tanoang o atoâq ớc bốn yỗn đống vil; ma cũai loai talốh vil na lách parnai án pai.

12 Cũai sacũl hap-pahap mumat níc yớu án bữm; ma cũai rangoaiq ớt cubĩm bỗq sâng.

13 Cũai adon dát tâng bỗq đợq atũl níc cũai canốh; ma cũai noau têq noap, án cayóm đợq tâng mút máh ớc clỗp.

14 Cruang ợq cũai ayông, ki cõt rúng ralốh; ma cruang aléq bữn sa-ữi cũai tẽih atỡng, cruang ki bữn ớt plot ien.

15 Cũai parkhán ẽ yỗn práq pláih cũai tu noau, ki la samoât án ravoât ớc túh coat yỗn tở án bữm; ma cũai ca tở bữn parkhán ngkíq, án lứq ớt ien khẽ.

16 Mansẽm bữn mút o chóq cũai canốh, bữn cũai yám noap án; ma samiang bữn mút tachoât, án yoc lứq roap práq.*

17 Cũai bữn mút saryóq, ớc ki cõt lơi yỗn tở án bữm; ma cũai tachoât atoâq ớc túh coat yỗn tở án bữm.

* **11:16** 11:16 Bữn saráq tiaq parlong rana 16 nãi neq: 'Mansẽm bữn mút laviei chóq cũai canốh, bữn cũai yám noap án. Cũai clac cõt cadĩt, ma cũai clốq cõt sớt.'

18 Cóng cūai loài la tở bữn cốt kia ntróu; ma cóng cūai táq ranáq tanoang o bữn kia sa-ũĩ lứq.

19 Cūai aléq tanoang o, cūai ki bữn tamoong; ma cūai aléq moaq mứr ẽ táq ranáq lôih, cūai ki lứq cuchĩt.

20 Yiang Sursĩ kêt máh cūai bữn mứt pahõm cooc; ma án ayooq máh cūai táq níc ranáq o.

21 Máh cūai loài, lứq p̄ieiq alóĩ cóq roap tôt; ma máh cūai tanoang o, alóĩ tở bữn roap tôt ntróu.

22 Mansẽm roáp riang o, ma táq ranáq tở bữn carsĩat o, la machóng sambẽt yẽng mỗ noau sacáp tâng múh alic.

23 Máh ốc cūai tanoang o nguang, toáq parsốt ốc ki cốt ống ranáq o; ma máh ốc cūai loài nguang, toáq parsốt ốc ki táq yõn Yiang Sursĩ cutâu mứt.

24 Aléq rachuai cūai canõh sa-ũĩ, án bữn roap loah sa-ũĩ hõn tẽ ki ẽn; ma cūai rahĩt, án cốt cadĩt pớp lứq ẽn.

25 Cūai bữn mứt la-a, máh ranáq án táq lứq pân cốt; cūai rachuai yóu, lứq yóu chuai loah án.

26 Noau đốq pupap cūai cutooq racáu, yuaq án ẽ chẻq moat hõn, ma noau pai ốc bốn yõn cūai ca ẽ chẻq racáu yõn yóu.

27 Khân manoaq ravoát ranáq o, noau yám noap án; ma khân án ravoát ranáq sâuq, ranáq sâuq ki toáq loah pở án.

28 Cūai aléq ma poâng tâng sanốc nưỡn, án cốt samoát sala sangot cớp roõh; ma cūai tanoang o cốt sốc bữn achõn samoát sala ramoong.

29 Cūai aléq ma táq yõn cūai tâng đống sũ án cõt túh, cūai ki óq bữn roap mun ntróu.† Máh cūai sacũl cóq cõt sũl yõn máh cūai rangoaiq.

30 Ranáq cūai tanoang o táq la samoát palâi tẽ aluang yõn cūai bữn tamoong; cūai chuai cūai canõh bữn tamoong, án la cūai rangoaiq.‡

31 Khân cūai tanoang o roap cóng tẽ máh ranáq án táq tâng đõn nâi, hõn tẽ ki ẽn máh cūai loâi cóp cūai tở bữn trĩh Yiang Sursĩ cóq roap tột tẽ máh ranáq alóí khoiq táq.

12

1 Cūai aléq ẽq noau tẽih atõng toâq án táq lôih, cūai ki cõt cūai dáng; ma cūai aléq tở ẽq noau tẽih atõng, cūai ki la cūai sacũl.

2 Yiang Sursĩ sâng bũi pahõm chóq cūai o; ma án anoat tột chóq cūai aloõh ngê sâuq.

3 Cūai loâi tở tẽq õt khâm cõ tẽ táq ranáq sâuq; ma cūai tanoang o tayứng khâm lứq.

4 Lacuoi bữn mút pahõm o la samoát vuam yõn cayac; ma lacuoi bữn mút sâuq, la samoát a-ĩ nsóq pluong tâng nghang cayac án.

5 Máh ngê cūai tanoang o bữn moang ranáq p̄ieiq; ma máh ngê cūai loâi bữn moang ranáq raphéq rathũ sâng.

6 Máh santoiq cūai loâi pai la samoát cūai tachoát crốq ẽ cachĩt cūai; ma máh santoiq cūai

† **11:29** 11:29 Tâng rana 29 nâi, parnai Hê-bơ pai neq: ‘...cūai ki roap mun cuyal.’ ‡ **11:30** 11:30 Tở la: ‘...ma cūai tachoát phaq pupứt đõn tamoong cūai.’

tanoang o pai têq rachuai cūai yǎn vót tễ noau ễ táq alới.

⁷ Cūai loài cốt ralốh cớp tống toiq án cốt pút thánq; ma đống sũ cūai tanoang o noâng níc.

⁸ Cūai roan rangoaiq roap cóng la noau khễn; ma cūai mút cooc roap cóng noau mumat.

⁹ Khaq cốt cūai miat táq pớq yớq achúh bữm, saláng táq nan cốt cūai sốt toâr ma óq ntróu ễ cha.

¹⁰ Cūai tanoang o rabán o charán án; ma cūai loài tở bữn pasếq máh charán án.

¹¹ Cūai sarâng lứq bữn dũ tâc khâm cha; ma cūai sacũl palố miat casâi cumo táq ranáq tở bữn cốt kia ntróu.

¹² Máh cūai loài chi-chuaq níc rana ễ lỏp yóu; ma máh cūai tanoang o chuaq lời na rana p̄ieiq.*

¹³ Cūai loài chuat rabang la cỗ tian tễ santoiq lauq án bữm; ma cūai tanoang o têq vót tễ túh coat.

¹⁴ Cūai khếuq táq ntống, ntróu án ễ bữn, ki án bữn; machống ki tê, cūai lứq bữn cóng tễ ranáq atĩ án táq.

¹⁵ Cūai sacũl sâng ariang pai máh ranáq án táq khoiq p̄ieiq chớ; ma cūai rangoaiq, án tamứng santoiq cūai canốh t̄eih atống án.

¹⁶ Cūai sacũl cháí apáh yǎn cūai canốh hữm mút cutâu án; ma cūai rangoaiq tở bữn ramíng máh santoiq cūai canốh mumat án.

* **12:12** 12:12 Rana 12 nâi tở bữn raloaih tâng parnai Hê-brớ.

17 Cūai tanoang táq ntǝng moang ǝc tanoang tẽ ranáq án khoiq hũm; ma cūai lauq táq ntǝng cakéq tẽ ranáq án khoiq hũm.

18 Máh cūai pai aloõh ma tǝ bũn chanchóm nhũang, ki táq yǝn cūai canõh sâng a-ĩ samoât noau tacáh toáq dau; ma santoiq cūai rangoaiq tẽq tahau yǝn cõt bán loah.

19 Parnai atǝng lứq, parnai ki ǝt mantái níc; ma parnai atǝng lauq, mahúiq la pút toáp.

20 Máh cūai dốq aloõh ngê sâuq bũn mút raphếq rathũ; ma máh cūai aloõh ngê o, bũn mút bũi óh.

21 Máh ranáq tǝ o tǝ bũn toáq pǝ cūai tanoang o; ma cūai sâuq ramóh moang ranáq túh coat sâng.

22 Yiang Sursĩ kêt cūai táq ntǝng lauq; ma án bũi pahõm chóc cūai yǝng pacái níc máh santoiq alói khoiq par-ũq.

23 Cūai roan rangoaiq tǝ bũn apáh pai án khoiq dáng sa-ũĩ; ma cūai sacũl dốq loai ǝc sacũl cớp táq yǝn noau dáng án lứq sacũl.

24 Cūai sarâng lứq tẽq ayông máh cūai canõh; ma cūai aloah, án táq sũl cūai canõh.

25 Ǟc clong táq yǝn cūai cõt túh ngua, ariang án dõl cớng ntâng; ma santoiq languat laham táq yǝn cūai cõt hữr loah.

26 Cūai tanoang o dũng yóu pǝq chu rana tanoang; ma cūai sâuq táq yǝn yóu clốc rana.

27 Cũai aloah tở bữn áng loâng sâiq án bữn tễ án pupán,[†] ma cũai sarâng ramoat đợq mun án. 28 Cũai puai ngê tanoang o bữn tamoong; ma cũai puai ngê sâuq cõt cuchĩt pút.

13

1 Con roan rangoaiq tamứng sântoiq mpoaq án tễih atởng; ma cũai ca ẽq noau khễn, án tở ẽq noau pai án táq lờih.

2 Cũai o bữn roap cóng cỗ nhơ tễ lái h parnai án o; ma cũai sâuq yoc ẽ táq ống ranáq tachoát sâng.

3 Cũai dáng rabán bợq án bữm, la án rabán rangứ h án tê; cũai táq ntởng ma tở bữn chanchóm nhũang, ki samoát án pupút tở án bữm.

4 Cũai aloah tở dáng bữn máh ramứ h án yoc ẽ bữn; ma cũai sarâng, án lứq bữn samoát án yoc.

5 Cũai tanoang o kêt sântoiq lauq; ma cũai loài táq ranáq yỏn cõt casiet cớp ỡt clẻn níc.

6 Ranáq tanoang o bán curiaq cũai táq pẻiq; ma ranáq sâuq pupút cũai táq lờih.

7 Bữn cũai tở bữn bữn ntrớu, ma táq nan án la sớc bữn; mỗ bữn tê cũai sớc bữn táq nan ariang cũai cadĩt.

8 Cũai sớc bữn tẻq pláih dỡi tamoong án na práq; ma cũai cadĩt tở bữn tú h táq ngkiq.

9 Cũai tanoang o cõt samoát tabong abal rana pỡq; ma cũai loài cõt samoát chớp tóu ca lalũu ẽ pát.

[†] 12:27 12:27 Parnai Hẻ-bro tâng rana 27 nài tở raloaih. Bữn noau parlong neq: ‘Cũai aloah tở dáng bữn charán án puai...’

10 Ranáq òt dŕng atoâq moang ranáq ralõih raléh sâng; ma khaq tamúng satoiq tŕeih atõng dõq cõt cũai rangoaiq.

11 Cũai bŕn sanõc lambõ, sanõc ki pŕt lambõ tê; ma cũai sõi cõ án sarõh pahŕr yŕr cumúl, ki án lŕq cõt sõi achõn ẽn.

12 Khân cũai õt ngcuang acoan níc tẽ muoi ramúh ntrúu, mút pahõm án cõt ngua; ma khân ramúh án ngcuang lŕq toâq, mút pahõm án sâng bŕi lŕq.

13 Ốc túh coat toâq pŕ cũai mumat satoiq noau tŕeih atõng; ma cũai ca noap satoiq noau tŕeih atõng, án õt ien khẽ.

14 Satoiq cũai rangoaiq atõng chuai yõn cũai bŕn tamoong, machõng dõq mec chuai yõn cũai bŕn dõq nguaiq; satoiq rangoaiq ki têq rachuai yõn vót tẽ cuchit.

15 Cũai rangoaiq, lŕq noau yám noap án; ma cũai tŕ bŕn tanoang tapúng, ki án cõt rúng pŕt.

16 Cũai rangoaiq chanchõm voai nhũang án ẽ táq; ma cũai sacŭl apáh yõn cũai canõh hŕm án lŕq sacŭl.

17 Cũai aléq dŕng satoiq pau ma tŕ bŕn pau ãn sõt án ón, ki án dŕng atoâq ranáq túh coat; ma cũai dŕng satoiq pau pŕieiq lŕq, ki samoát án dŕng atoâq ốc ien khẽ.

18 Cũai ca tŕ ẽq noau catoaih atõng, lŕq án cõt cadit cõp casiet táq; ma cũai aléq noap ít máh satoiq noau catoaih atõng, ki noau yám noap án.

19 Khân cūai bŭn máh ramúh án sâng yoc ẽ bŭn, ki án sâng bŭi; ma cūai sacŭl tở nai cachian táh máh ranáq sâuq.

20 Cūai aléq õt ratoi cóp cūai rangoaiq, cūai ki cõt rangoaiq tê; ma khân án õt ratoi cóp cūai loai, ki án cõt loai tê.

21 Ranáq túh coat puai cūai lôih cu ntốq dũ nnoi; ma cūai tanoang o bŭn cóng o dũ ramúh.

22 Cūai o đốq máh mun án yõn con châu; ma máh mun cūai loai, mun ki lứq cõt mun cūai tanoang o ẽn.

23 Tam nia sarái cūai cadit cõt palai sa-ũi, ma cūai loai lóp nheq sarnóh cūai cadit khoiq chóh.

24 Cūai aléq mỗ tở bŭn manrap con án, ốc ki samoat án ket con án; ma khân án ayooq con án, án cóq téh ếp arĩen.

25 Cūai tanoang o tở bŭn ốq cớng sana; ma cūai loai cõt panhieih khlac níc.

14

1 Mansẽm rangoaiq têq ayúng đống sũ; ma mansẽm sacŭl pupút đống sũ án bũm.

2 Cūai tanoang tapúng yám noap Yiang Sursĩ; ma cūai tở bŭn tanoang tapúng mumat Yiang Sursĩ.

3 Santoiq õt tẽ cūai sacŭl cõt ariang dũi toan tở án bũm; ma santoiq cūai rangoaiq bán kĩaq níc án.

4 Khân ốq tariac cái nia, sũ saro cõt sarõh miat; ma khân ẽ bŭn saro poan sũ la cóq bŭn tariac cái nia.

⁵ Cũai noau têq noap, la cũai ca pai moang ốc lứq; ma cũai noau tở têq noap, la cũai ca pai moang ốc lauq.

⁶ Cũai đốq prẽ ốc rangoaiq, ki lứq tở nai cõt rangoaiq; ma cũai rangoaiq rien cháí lứq dáng.

⁷ Cóq ốt yong tẽ cũai sacũl, yuaq án tở têq arĩen mới muoi ốc ntróu.

⁸ Cũai rangoaiq têq aloỏh máh ngê ẽ táq ranáq; ma cũai sacũl aloỏh moang ngê raphếq rathũ sâng.

⁹ Cũai sacũl tở bữn rakẽ ntróu án táq ranáq lôih; ma cũai tanoang o, án táq bũi pahỏm Yiang Sursĩ.*

¹⁰ Tâng mút dũ náq cũai bữn ốc ntáng ahór cóp bữn ốc bũi; ma tở bữn noau canỏh têq rachống tẽ máh ốc ki.

¹¹ Đống cũai loái cõt ralỏh ralái; ma đống cũai tanoang o cõt o achỏn.

¹² Bữn muoi rana cũai chanchỏm pai pĩeiq, ma toâq parsỏt rana ki đứng chu ntốq cuchĩt.

¹³ Tam hái hữm cũai cacháng, ma hái tở dáng pĩeiq tâng mút án bữn ốc ngua la bữn; cóp tữ vớt ốc bũi óh, ki toâq ốc ngua ển.

¹⁴ Cũai loái, án lứq bữn roap loah cóng loái; ma cũai o bữn roap loah cóng o, cỗ tẽ ranáq o án khoiq táq.

¹⁵ Cũai sacũl sâng noau pai ntróu, la án noap nheq; ma cũai rangoaiq chanchỏm voai nhũang án tayoâq ayững tayáh.

* **14:9** 14:9 Rana 9 nãi tở bữn raloaih tâng parnai Hê-bơ. Bữn noau parlong neq: 'Yiang Sursĩ mumat cũai loái.'

16 Cūai rangoaiq yám noap Yiang Sursĩ, cớp án viaq chíq tẽ ranáq sâuq; ma cūai sacũl tở bữn tutuaiq yõn samoât, cớp án coâp lứq ẽ táq.

17 Cūai coâp nsóq mút táq ranáq sacũl; cớp noau kêt cūai táq pampla.†

18 Cūai sacũl roap loah cóng cóng sacũl; ma cūai rangoaiq roap loah cóng cõt dáng lứq lơ ẽn.

19 Nỡ-ra cūai loai lứq pũp crap cūai o; alới toâq pỡ ngoah toong đống cūai tanoang o, chớ sếq án chuai.

20 Tở bữn noau ẽ hữm cūai cadĩt, tam alới la yóu ratoi muoi vil; ma cūai sớc, alới bữn yóu clứng lứq.

21 Khân cūai aléq yoc õt bũi óh, cóq án ayooq máh cūai cadĩt: ma cūai aléq mumat cūai canõh, cūai kì táq lôih.

22 Cūai aloõh ngê ẽ táq ranáq sâuq, án lứq clốc rana; ma cūai ca aloõh ngê ẽ táq ranáq o, noau ayooq loah án cớp táq tanoang tapứng chóq án.

23 Cūai sarâng bữn kia tẽ dũ ranáq án táq; ma cūai táq ntõng sâng, án cõt túh cadĩt.

24 Cūai rangoaiq bữn roap máh sanốc ntữn; ma cūai sacũl roap loah cóng puai ranáq sacũl alới khoiq táq.‡

25 Cūai ca atõng ốc p̄ieiq, kì án chuai máh cūai yõn bữn tamoong; ma cūai atõng tở bữn tanoang, án la cūai chéq yóu.

† 14:17 14:17 Parnai Hê-bơ tạng rana 17 nài tở raloaih. Bữn cūai canõh parlong neq: ‘ma cūai roan rangoaiq õt rangiac sâng.’

‡ 14:24 14:24 Rana 24 nài tở bữn raloaih tạng parnai Hê-bơ.

26 Cūai yám noap Yiang Sursĩ bũn ntốq khâm têq poâng, cớp con châu án bũn ntốq parnoâng.

27 Ốc yám noap Yiang Sursĩ cõt samoât mec đớq yõn bũn tamoong, đớq têq chuai yõn vớt tể rabang ốc cuchĩt.

28 Puo bũn cứng cūai proai, chớc án cõt toâr lứq; ma puo ốq cūai proai, án ốq chớc ntróu.

29 Rangoiq lứq cūai bũn mút laviei; ma cūai chái nsóq apáh án la cūai sacũl.

30 Mút pahõm ien khẽ táq yõn tồ chác cõt bán rêng; ma mút sa-on cumíq táq yõn tồ chác cõt a-ĩ sari.

31 Cūai aléq padâm cūai cadĩt, la machóng án mumat Yiang ca tềng cūai ki; ma cūai aléq sâng sarũiq táq cūai cadĩt, la machóng án yám noap Yiang Sursĩ.

32 Tữ ốc cuchĩt pút toâq, cūai loai cõt cuchĩt ralec nheq; ma cūai tanoang o bũn ntốq parnoâng cõ nhơ alóit táq tanoang tapúng.

33 Ốc rangoiq dách tâng mút cūai dách sa-ũi; ma ốc rangoiq tữ bũn dách tâng mút cūai sacũl.

34 Cūai tanoang o táq yõn cruang cõt toâr achõn; ma cūai lóih táq yõn cruang alóit cõt casiet táq.

35 Puo sâng bũi pahõm chóq máh cūai ayũng atĩ án ca rangoiq; ma puo sâng cutâu mút chóq máh cūai ca táq yõn án cõt casiet.

15

¹ Santoiq ta-õi languat laham táq yõn ớc cutâu cõt taiq; ma santoiq pacoan táq yõn mút cõt cutâu lứq.

² Lieih cũi rangoiq tẽih atõng táq yõn hái dáng sa-ũi ramứh cớp ểm ể tamứng; ma bõq cũi sacũl loai lựp-bựp moang santoiq bambar sâng.

³ Yiang Sursĩ hữm nheq dũ ranáq; án tutuaiq nhêng níc máh ranáq cũi o cớp cũi tở o dốq táq.

⁴ Santoiq languat laham cõt samoât aluang yõn bữn tamoong; ma santoiq nchéc ntáng táq yõn mút pahõm cõt a-ĩ.

⁵ Cũi sacũl saryẽ santoiq mpoaq tẽih atõng; ma cũi rangoiq noap ỉt cớp táq puai.

⁶ Toâq túh coat, cũi loai pút pốih nheq mun chín tapín ralua; mỗ mun cũi tanoang o tở bữn cõt pút.

⁷ Bõq cũi rangoiq tẽih atõng yõn cũi dáng ngê; ma cũi sacũl tở bữn táq ngkíq.

⁸ Toâq cũi o câu sễq, ki Yiang Sursĩ sâng bũi pahõm; ma án kêt máh crơng chiau sang tể cũi loai.

⁹ Yiang Sursĩ kêt ranáq cũi sâuq táq; ma án ayooq cũi táq ranáq p̄ieiq.

¹⁰ Cũi aléq ma táh rana tanoang o, ki án cóq roap tột ntâng lứq; cũi aléq ma mumat santoiq catoaih atõng, ki án lứq cuchĩt.

¹¹ Yiang Sursĩ dáng nheq dũ ranáq tâng ntốq cũi cuchĩt ốt; hỡn tể ki ển, án dáng dũ ớc mút pahõm cũi chanchóm.

12 Cūai tở bữn yám noap Yiang Sursĩ, án tở ẽq noau mớ án; cớp án tở ẽq sarhống cớp cūai rangoaiq hỡn tể án.

13 Ốc bũi táq yõn moat múh poang langoah, ma ốc ngua táq yõn moat múh cõt ngúc chựq.

14 Cūai rangoaiq yoc lứq ẽ rien; ma cūai sacũl nhỡ-panhỡ ẽ táq níc yúh-yúh.

15 Dũ rangái noau padâm cūai tởiq bap lứq; ma cūai ca bữn mút pahõm bũi, án táq cu rangái yõn cõt bũi óh.

16 Khaq cõt cūai cadĩt ma yám noap Yiang Sursĩ, saláng cõt cūai sốc bữn ma ramóh túh coat.

17 Khaq cha bát bai tâng ntốq manoaq ayooq manoaq, saláng cha sâiq sĩaq tâng ntốq manoaq kêt manoaq.

18 Cūai coáp nsóq táq yõn cõt ralõih; ma cūai bữn mút pahõm laviei dững atoâq ốc ien khẽ.

19 Cūai aloah tamóh ốc túh coat sốt dỡi ta-moong án; ma cūai tanoang tapứng têq viaq vớt tể ốc túh coat.

20 Con rangoaiq táq yõn mpoaq sâng bũi pahõm; mớ con sacũl sâng mumat loah mpiq án bữm.

21 Cūai sacũl sâng bũi tâng ranáq sacũl án; ma cūai rangoaiq táq níc ranáq p̄ieiq.

22 Khân óq cūai sarhống, máh ngê noau aloõh tở bữn cõt khlữr ntrứ; ma khân bữn cứng cūai t̄ieih atõng, máh ngê aloõh ki lứq pân cõt.

23 Cūai ta-õi p̄ieiq rana cớp p̄ieiq ngư, cūai ki sâng ỡn chỡ lứq.

24 Cūai rangoaiq pōq rana chōn chu ntōq tamong, án tēq viaq tē rana pōq sēng chu ntōq cuchīt.

25 Yiang Sursī ẽ talōh dōng cūai ca khēuq lōp yōu; ma án bán curiaq raloan cutēq cán cumai.

26 Yiang Sursī kēt máh sarnóm cūai loai chanchóm; ma án sâng bũi pahōm tē santoiq cūai bữn mút bráh o.

27 Cūai ẽq cháit cōt sōc ma tỡ bữn táq p̄ieiq rana, ki án dững atoâq ốc túh coat p̄ở dōng sũ án; ma cūai aléq tỡ bữn roap práq noau aplũr sadal mút pahōm, án lứq ốt cóng tamong dũn.

28 Cūai tanoang o chanchóm nhũang voai nốq án ta-ỡi; ma cūai loai tamplôu ta-ỡi moang santoiq sâuq sâng.

29 Yiang Sursī ốt yōng tē cūai sâuq; ma án tamúng santoiq cūai tanoang o câu sēq.

30 Moat múh poang o táq yōn cūai sâng bũi, cóp sâng han tē ranáq o táq yōn mút pahōm ien khē.

31 Cūai aléq ma tamúng toâq noau catoaih atōng, ki án cōt cūai rangoaiq.

32 Cūai aléq ma tỡ bữn noap santoiq noau catoaih atōng, cūai ki tỡ bữn pasēq dỡi tamong án bữm; ma cūai aléq noap ốc noau catoaih atōng, cūai ki cōt rangoaiq achōn.

33 Khân cūai yám noap Yiang Sursī, ốc ki la tabốq rien yōn cōt rangoaiq; ống cūai asēng tỗ tēq cōt cūai noau yám noap.

16

Santoiq Pali Panha Tể Dữi Tamoong Cóp Ranáq Táq

¹ Mách cũai đốq aloõh ngê; ma dữ ngê cóq Yiang Sursĩ pruum nốq têq cõt.

² Mách cũai chanchóm dữ ranáq alóí táq la p̄ieiq; ma Yiang Sursĩ dáng dữ ốc tâng mút pahõm alóí.

³ Mách ranáq mới ẽ táq, cóq mới chiau yõn Yiang Sursĩ, chơ dữ ranáq ki lứq cõt moâm.

⁴ Dữ ranáq Yiang Sursĩ táq la án khoiq bữn ngê chơ; đếh tangái án anoat yõn máh cũai loai cõt cuchĩt pút.

⁵ Yiang Sursĩ kêt máh cũai ốt sác; lứq samoât alóí tở têq vớt tể án manrap alóí.

⁶ Khân cũai táq tanoang tapúng cóp ayooq Yiang Sursĩ, Yiang Sursĩ lứq táh lóih án; khân cũai aléq yám noap Yiang Sursĩ, cũai ki têq viaq vớt tể máh ranáq sâuq.

⁷ Toâq cũai aléq táq yõn Yiang Sursĩ sâng bũi pahõm, Yiang Sursĩ táq yõn đếh cũai par-ũal cõt ratoi loah cóp cũai ki.

⁸ Khaq bữn práq bĩq ma táq ranáq p̄ieiq, saláng bữn práq sa-ũĩ ma lóp níc cũai canốh.

⁹ Cũai đốq aloõh máh ngê; ma ống Yiang Sursĩ toâp ayông yõn án têq táq moâm.

¹⁰ Toâq puo pai muoi ốc ntróu, án pai tang bỗq Yiang Sursĩ; cóq puo parchĩn yõn p̄ieiq lứq.

¹¹ Yiang Sursĩ ẽq lứq canân p̄ieiq cóp crơng chiaq li, cóp ranáq chềq chỡng la án ẽq yõn ngkíq tể.

12 Mách puo kêt ranáq sâuq, yuaq ọc p̄ieiq o táq yõn cruang alóí cõt khâm.

13 Mách puo yoc lúq tamúng cūai táq ntõng ọc lúq; alóí sâng bũi pahõm cốp cūai atõng ống satoiq p̄ieiq.

14 Cūai rangoaiq yoc ẽ aliam yõn puo tở bữn sâng cutâu mút; khân puo sâng cutâu mút, tề án táq yõn noau cuchĩt.

15 Toâq puo cacháng cubũiq, ọc ki cõt tếc yõn tềq tamoong; cốp khân án sâng p̄ieiq pahõm án, ọc ki cõt samoât mia sễng chanchíc rooh cutềq.

16 Khaq bữn sarnóm rangoaiq cốp dáng, saláng bữn práq yễng sa-ũi.

17 Cūai p̄õq tâng rana p̄ieiq, án tềq viaq yờng tễ ranáq sâuq; cūai ca nhêng samoât tâng rana án p̄õq, tềq án curiaq đõi tamoong án.

18 Ồc achõn tở atoâq ọc rúng ralõh, cốp cūai ồt cõt satooh.

19 Khaq asễng tở bữm cốp õt parnõi cốp cūai cadĩt, saláng chõng máh crong pữr parnõi cốp cūai ồt sác.

20 Cóq mới trĩh máh satoiq noau catoaih atõng, chơ đõi tamoong mới cõt o níc; bốn lúq cūai ca sa-âm níc Yiang Sursĩ.

21 Mách cūai canõh dáng cūai bữn sarnóm rangoaiq; toâq án atõng satoiq languat laham, alóí noap ỉt.

22 Ồc rangoaiq cõt samoât mec đõq yõn cūai rangoaiq bữn tamoong; ma cūai sacũl roap loah cóng tễ ọc sacũl án.

23 Cũai rangoaiq chanchóm nhũang voai nõq pai; chơ santonq án pai sâng ẽm noau tamúng.

24 Santoiq ẽm la samoát đõq khĩal ngiam parhẽng táq yõn tở chác cõt bán rêng.

25 Bữn muoi rana cũai chanchóm riang pai khoiq pĩeiq chơ, ma parsốt lứq rana ki đứng án chu pở ntốq cuchĩt.

26 Púng panhieih táq yõn cũai cõt sarâng; án táq sarâng yuaq án sâng yoc ẽ cha.

27 Cũai loài aloõh níc ngê ẽ táq cũai canõh; lieih án cõt samoát ùih culoâuq blan-blan thánq.

28 Cũai đõq sasrúc, táq yõn cõt ralõih; cũai ki ẽq yóu cõt caryoah.

29 Cũai tachoát đõq raphẽq rathũ yóu, chơ radứng alới pởq tâng rana tở bữn o.

30 Cỏq mới nhêng yõn o toâq cũai cunhũ moat cớp cachánq cubũiq; cõh lơ mút alới chanchóm ẽ pupút anhia.

31 Ớt cóng tamoong đũn la cóng cũai tanoang o; sóc pluac la samoát vuam yõn cũai tanoang o.

32 Bữn mút laviei o hỡn tẽ bữn chớq; dáng rabán tở bữm o hỡn tẽ cõt sốt nhêng salĩq máh vil.

33 Cũai đõq ỉt cớng séng yoc ẽ dáng ngê Yiang Sursĩ; ma đũ ốc lứq Yiang Sursĩ toâp yõn dáng.

17

1 Khaq hái cha ống đõi miat ma mút hái ớt ien khẽ, salánq hái cha pêl bũi mỗ tâng đõng ra-úc ralõih.

2 Cūai sūl rangoaiq, cōt sōt hōn tễ con samiang ncháu ca tở trĩh; cōp cūai sūl ki bữn roap pún tễ mun machóng máh sễm ai cūai tâng đống ki tễ.

3 Práq yễng cóq noau chim tâng ũih; machóng ki tễ Yiang Sursĩ chim mút pahōm cūai.

4 Cūai loai đốq noap santonq noau sasrúc; cūai lauq đốq tamúng santonq raphếq rathũ.

5 Cūai đốq sieu cūai cadĩt, la machóng án mumat Yiang Sursĩ ca tễng cūai ki tễ. Cūai aléq sâng bũi toáq cūai canōh ramóh túh coat, cūai ki lứq bữn roap tột.

6 Máh con châu cōt samoát vuam yỗn cūai thâu; machóng mpiq mpoaq táq yỗn con alới sâng tanga pahōm.

7 Cūai sacũl tở bữn rapĩeiq cōp santonq ễm ễ tamúng; machóng ki tễ, cūai sōt tở bữn rapĩeiq cōp santonq lauq.

8 Práq chōng mút pahōm, ki cōt kia yỗn cūai ca chang; chu léq án ễ pỡq, cōp ntróu án ễ táq, ki tềq nheq.

9 Cūai aléq ễ ratoi cōp yóu, cóq án dáng táh lôih yóu; ma cūai đốq mooh hah níc lôih yóu, án ki táq yỗn cōt ralõih.

10 Muoi ốc santonq sươq, ki bữn kia lứq yỗn cūai bữn sarnóm rangoaiq, hōn tễ noau toân cūai sacũl toáq muoi culám parláih.

11 Cūai sâuq ravoát níc ranáq chíh loah sōt; ma sōt án ớn cūai tachoát pỡq chíh loah cūai ki.

12 Khaq ramóh sacâu cán noau mbõiq tayõr con án, saláng ramóh cūai sacũl ca táq níc yúh-yúh.

13 Khân cūai táq ranáq sâuq đõq pláih ranáq o, ranáq sâuq tở nai vớt tễ đõng sũ cūai ki.

14 Khân cuco ẽq yõn ralõih, la machóng culúh paning đõq; ngkíq cóq tangút toáp, saláng ralõih lứq.

15 Bar ốc ca Yiang Sursĩ kêt la neq: tũn apót cūai tở bữn lờih, cóp acláh cūai lờih tễ nhũang án roap tột.

16 Lô miat cūai sacũl tởh práq đõq rien, yuaq cūai ki ốq loâng sarnóm rangoiq.

17 Yóu ratoi, alóí manoaq ayooq manoaq cu rangái; cóp sễm ai muoi noaq ngư rachuai muoi noaq toáp túh coat.

18 Ổng cūai sacũl toáp đõq tu tang yõn cūai canõh.

19 Cūai đõq ralõih la machóng án cupô ốc lờih đõq. Cūai táq toong sarõih, ki đõq apáh án la cūai sốc, la machóng án cupô ốc ralõih-ralái.

20 Cūai mút pahõm cooc tở têq bữn ốc o; cóp cūai táq ntõng raphếq rathũ, lứq án ramóh ốc rúng pút.

21 Mpiq mpoaq bữn con sacũl, alóí cõt túh ngua tâng mút; khân mpoaq la cūai sacũl, lứq tở nai bữn ốc bũi óh.

22 Mút pahõm bũi hỡr cõt samoát rahâu blễng yõn tở chác bán rêng; ma ốc ngua táq yõn tở cūai cõt oiq crõh roõh sal.

23 Cūai tở o roap práq noau chang đõq parchĩn parnai; án ươ chốc án đõq táq ranáq tở bữn tanoang tapúng.

24 Cũai rangoaiq langúc-langic chi-chuaq ốc rangoaiq; ma cũai sacũl ralũt nhêng mahõĩ chu nãi mahõĩ chu ki.

25 Con samiang sacũl táq yõn mpoaq cõt ngua; án táq yõn mpiq cõt yarıaq tâng mút pahõm.

26 Tõ bữn p̄ieiq manrap cũai tở bữn lôih, tở la toãn cũai tanoang tapứng.

27 Cũai dáng sa-ũĩ, án tở bữn yoc loai hap-pahap níc; cũai khoiq sapúh sa-ũĩ chơ, án bữn mút laviei. 28 Khãn cũai sacũl ma ốt rangiac, ki noau chanchóm án rangoaiq; khãn án cubĩm bõq, noau pai án bữn sarnóm rangoaiq.

18

1 Cũai tở bữn ratoĩ cốp yóu báĩ, ki án ramíng ống tể tở án bữm; án tở bữn pruum cốp ranáq p̄ieiq.

2 Cũai sacũl tở bữn ramíng yoc ẽ dáng muoi ốc ntróu; mỗ án ramíng ống tể ranáq ẽ apáh án la cũai rangoaiq.

3 Ốc lôih cốp ốc casiet la p̄õq parnoi. Khãn ốc casiet toâq, ki bữn toâp ốc mumat.

4 Mách santoiq cũai rangoaiq cõt ariang mec ốc rangoaiq, yarũ samoât đởq mưt, cốp raloang samoât đởq tũm.

5 Tở bữn p̄ieiq bẻng cũai lôih tở la tũn apót cũai tở bữn táq lôih ntróu.

6 Khãn cũai sacũl chi-chuaq níc ẽq ralõih, ki la samoât án chống ớn cũai canõh toãn án.

7 Santoiq cũai sacũl pai la pupút loah tở án bữm; án chuat sarnốq cõ tể santoiq án bữm.

⁸ Ốc voõq yóu báq pachóc, ki cõt ariang sana; cóp cūai aléq tamúng satoiq ki, án lưn chái lúq ốc ki.

⁹ Cūai aloah cóp cūai đốq talóh la lĩ-ralĩ.

¹⁰ Ramúh Yiang Sursĩ cõt samoât ngól kĩaq khâm lúq, la ntốq cūai tanoang o têq poâng yỗn plot o.

¹¹ Máh cūai sốc đốq chanchóm pai sanóc alóí têq curiaq alóí, cõt samoât viang đốq curiaq vil.

¹² Cūai mangkhẽn tổ bữm pởq chu ntốq cuchít pút, ma cūai asẽng tổ, ki noau yám noap án.

¹³ Tamúng nhũang voai nốq ta-õi; khân ta-õi nhũang tamúng, ki la sacũl cóp casiet táq lúq.

¹⁴ Mút pahỏm cūai rơi chĩuq tanhĩr ốc a-ĩ; ma cūai ca tổ rơi chĩuq tanhĩr, ki pút ốc nguang.

¹⁵ Máh cūai rangoaiq ẽr áiq ẽ rien yỗn dáng; alóí cutóng nheq rangứh rahỏ chi-chuaq ốc rangoaiq.

¹⁶ Khân yoc ẽ ramóh cūai bữn chóc, ốc ki khẽ lúq khân mới đững atoâq cớng mpon pở án.

¹⁷ Cūai dâu lúq loỏh roai tâng ntốq parchĩn, ariang pai pĩeiq parnai án, tử toâq manoaq ẽn blóh sardán loah cūai ki, ki nốq dáng samoât.

¹⁸ Khân bar náq cūai sốt rasuon bân ntốq parchĩn, cóq parchĩn yỗn chĩn na séng.

¹⁹ Ranáq rachuai máh sẽm ai, ranáq ki machóng cóp táq viang vil yỗn khâm lúq;* ma

* **18:19** 18:19 Rana 19 nâi tờ bữn raloaih tâng parnai Hê-bơ. Bữn noau parlong neq: 'Khân táq yỗn yóu sâng ùan, coat lúq yỗn cõt ratoi loah, coat hỡn tẽ ẽ cheng ít vil bữn viang khâm ẽn.'

ranáq rasuon ralõih, la machóng ìt raláng tac
cláng chíq toong tở yõn mut noâng.

²⁰ Cũai khểuq táq ntõng, táq yõn púng án cõt
pasâi níc.

²¹ Máh santoiq loõh tễ bõq, têq chuai yõn bữn
tamoong tở la yõn cuchĩt; cũai bán luloai, ki roap
loah tễ santoiq án loai.

²² Samiang khiq bữn lacuoi la ariang án
ramóh cớng bữn kia lúq; án roap muoi ramúh
o tễ Yiang Sursĩ.

²³ Cũai túh cadĩt cucõh cucũoi rasẽq ớc sarũiq
táq; ma cũai sốc ta-õĩ paluan.

²⁴ Bữn yóu ratoi sa-ũĩ náq, ma ratoi ki tở bữn
dũn; ma bữn tê yóu ratoi lúq ca cheq hõn tễ sễ
ai bữm.

19

¹ Khaq cõt cũai cadĩt ma tanoang tapúng,
saláng cõt cũai sacũl ma táq ntõng lauq.

² Tở bữn o hái tál-tũal, ma tở dáng táq ntróu
loâng; hập tál-tũal, chơ clóc rana bữm.

³ Bữn cũai táq ranáq sacũl, ki yõn pupút tở
bữm, chơ án u-õĩ pai Yiang Sursĩ táq án.

⁴ Toâq cũai cõt sốc bữn, án bữn yóu sa-ũĩ mái-
tamái; ma cũai cadĩt bữn óng bĩq náq yóu sâng,
cóp alóĩ ễ táh chíq án.

⁵ Cũai aléq cakéq tâng ntốq rasũq, cóq roap
tôt; cũai bán loai cunhíng-cunháng moang ớc
lauq, án tở têq viaq vớt tễ noau manrap.

6 Dũ nác cũai cutóng níc chõng mút pahõm cũai bữn chóc; cốp dũ nác cũai yoc lứq cõt yóu cốp cũai đốq đừng crơng mpon yõn án.

7 Mách sễm ai cũai cadĩt, alói nguai chíq tễ án, cốp máh yóu án la viaq chíq tễ án tê. Tam án cucốh cucũoi nheq rangúh, la tở bữn noau ẽ cõt yóu cốp án.

8 Cũai bữn ốc rangoaiq, án dáng ayooq dõĩ tamooq án bữm; cũai ca cayóm níc máh ốc án rien, ki án táq pởq pân cõt.

9 Cũai táq ntõng tũn apót tâng ntốq rasũq, cóq roap tột; cũai loai cunhíng-cunháng moang ốc lauq, án tở tềq viaq tễ noau cachĩt án.

10 Cũai sacũl tở bữn p̄ieiq tâc cha sáh sai; cốp máh cũai sũl tở p̄ieiq táq sốt chíq máh con puo.

11 Cũai rangoaiq rơi chũuq tanhĩr. Khân án tở bữn noap noau táq tở o chóq án, ki máh cũai canốh yám noap án.

12 Toâq puo cutâu mút, ốc ki la samoât riang cula samín arũ; ma toâq án sarũiq táq, nâi la samoât đởq latac tayỏq tâng bát nhuam.

13 Con sacũl táq yõn mpoaq cõt ralốh; cốp lacuoi radũng níc ralốih, ki tở bữn ntróu mpha tễ đởq tayỏq níc.

14 Práq yễng cốp đốg cõt mun tễ mpiq mpoaq; ma lacuoi patoat patia o la mpon tễ Yiang Sursĩ yõn.

15 Cũai bẻq anoih níc cốp tở bữn táq ntróu, lứq án cõt panhieih khlac.

16 Cóg yǒng yǒn pacái máh ốc patâp, dǒq dǒi tamooṅ mới ốt cóṅ tamooṅ dũn; cũai aléq ma tở bữn ramíng tể ốc patâp, ki án lứq cuchĩt.

17 Khân anhia yǒn cởng ntróu pở cũai cadĩt, nâi la machóṅ anhia yǒn Yiang Sursĩ mian; chơ Yiang Sursĩ lứq culáh cóṅ yǒn cũai ca táq ngkíq.

18 Cóg mới manrap con mới tể bo alóí noāṅ carnễn, ma toāq mới manrap, chổi táq yǒn alóí cuchĩt.

19 Cũai cháí khlốh mút, án cóq roap bữm tể máh ranáq án táq; khân anhia chuai án muoi trổ chơ, trổ ntun cóq anhia chuai loah án sĩa.

20 Cũai noap ít santonq noau tĩeih atǒng, cóp noap máh ốc noau patâp, ntun ki án lứq cõt cũai rangoaiq.

21 Máh cũai dǒq aloǒh ngê sa-ũi ramúh; ma khân Yiang Sursĩ pruum, ki lứq cõt.

22 Cũai cupur cumiar yoc ẽ bữn sa-ũi, lứq án cõt casiet;* khaq hái cadĩt, saláṅ hái táq ntǒng lauq.

23 Cũai yám noap Yiang Sursĩ bữn roap cóṅ neq: ốt cóṅ tamooṅ dũn, ốt bũi óh, cóp vót tể ranáq túh coat.

24 Cũai aloah chũaiq cởng sana tâṅg tangan, ma án sâṅg aloah chóq tâṅg bǒq ẽn.

25 Toāq noau manrap cũai pamp̃la, ki cũai tở dáng ntróu tềq rien tể ốc ki. Khân anhia catoaih cũai roan rangoaiq, ki án lứq cõt rangoaiq achõn ẽn.

* 19:22 19:22 Bữn noau parlong rana nai pai neq: 'Cũai yoc ẽ bữn lứq ốc ayooq cóp ốc tanoang tapứng...'

26 Cũai aléq tuih mpiq mpoaq tẽ dõng, cũai ki táq yõn alóí cõt casiet cõp dandũng níc.

27 Cũai ca tở ẽq tamũng noâng toâq noau catoaih atõng án, ki tở bữn dũn, máh ốc án khoiq rien, lứq cõt pứt nheq.

28 Cũai táq ntõng saryẽ níc tâng ntốq rasũq, cũai ki tở bữn ramíng loâng tẽ ốc tanoang tapũng. Cũai loài lữn ốc sâuq ariang án lữn sana.

29 Cũai ayê ra-ac Yiang Sursĩ cóq roap tõt; cõp yõn cũai sacũl thũan dõq dũi khẽ toân cloong án.

20

1 Nguaiq blõng luat ngư táq yõn cũai táq thõng cõp ralõih níc; cũai ham nguaiq blõng la tở cõn cũai rangoaiq.

2 Toâq puo nhõp, la samoât riang cula samín arư; cũai ca táq yõn puo nsóq mút, ki samoât án cachĩt tở án bữm.

3 O lứq yõn cũai viaq tẽ ralõih; ma dũ náq cũai sacũl cháí lứq ralõih.

4 Cũai táq ruang nia ma aloah cái toâq catũ tutáq, ki án ốq bữn sot ntróu.

5 Máh ốc cũai chanchóm la yarũ ariang clóng; ma cũai aléq têq dáng ốc yarũ, án têq aloõh ngê ki.

6 Bữn sa-ũri náq cũai manghoh tẽ alóí táq tanoang tapũng; ma coat lứq chuaq cũai lứq tanoang tapũng.

7 Bõn lứq máh con ca bữn mpoaq tanoang o cõp táq p̃ieiq níc.

⁸ Toâq puo ntôm parchĩn parnai, lứq án saccoal toâp toâq án hũm cũai sâuq.

⁹ Noau khốn têq pai neq: “Sarnóm cứq bráh o níc. Cóp ốq lôih ntróu loâng.”?

¹⁰ Yiang Sursĩ kêt ranáq cân canân cóp ranáq chiaq ma tở bữn p̄ieiq.

¹¹ Dể carnẽn la apáh yỗn noau hũm nết án na ranáq án táq; chơ hái dáng án la cũai o cóp tanoang tapứng ma tở bữn.

¹² Yiang Sursĩ yỗn hái bữn moat đốq nhêng, bữn cutữr đốq tamứng.

¹³ Cũai ca yoc bẻq níc, ki án cõt cadĩt; cũai sarâng tutáq, án lứq bữn dũ tâc khám cha.

¹⁴ Cũai đốq manghoh pai crơng moat lứq, ma toâq án loõh tể ntốq noau chẻq, án pai án chỡng rê lứq.

¹⁵ Santoiq cũai rangoaiq atỡng, la bữn kia hỡn tể yểng cóp tamáu moat.

¹⁶ Khân cũai sacũl khoiq parkhán culáh tu yỗn cũai liaq, p̄ieiq noau ỉt mun án coiq đốq cõt tếc.

¹⁷ Bữn crơng na tở bữn tanoang tapứng, ki ariang sana pachóc lứq; ma vót ki, tâng bỗq án bữn moang sarhán chũah.

¹⁸ Santoiq t̄eih atỡng o, táq yỗn ranáq cõt moâm; chõih p̄õq chíl khân tở yũah aloõh ngê rachíl.

¹⁹ Cũai bán loai tở têq rabán ốc cartoog; cóq mới ốt yong tể cũai loai hap-pahap.

²⁰ Cũai báih mpiq mpoaq, dỡi tamoong án cõt ỉn chóp tóu parnhứp pát tâng ntốq canám.

21 Mun ca bñn khẽ cớp cháí, mun ki bñn kia bĩq sâng.

22 Chõĩ pai neq: “Cứq lứq carláh đờq loah yuaq mới táq lôih chớq cứq,” ma cóq anhia acoan Yiang Sursĩ, yuaq án têq chuai anhia.

23 Yiang Sursĩ kêt ranáq cân canân ma tở bñn pĩeiq.

24 Dũ rayáh hái pỡq, la Yiang Sursĩ toáp ayông rana hái. Tở bñn noau têq dáng tẽ chiat án bñm.

25 Cóq chanchóm yõn samoát samõĩ voai nõq parkhán cớp Yiang Sursĩ, pai ẽ chiau sang cớng yõn án. Cõh lơ ntun ki, cõt tở bñn bũi noâng ẽ chiau sang cớng ki yõn án.

26 Puo bñn sarnóm rangoiq, ki án dáng khân cũai táq lôih, cớp án yõn cũai ki roap tột toáp, cớp tở bñn sarũiq táq noâng.

27 Poang tẽ Yiang Sursĩ claq tutuaiq hữm nheq máh mút pahõm cũai cớp máh sarnóm alớĩ chanchóm.

28 Puo têq cõt sớt dũn khân án táq tanoang tapúng cớp pĩeiq o; khân án táq tanoang o, ki Yiang Sursĩ lứq curiaq án.

29 Cũai đớq khẽn cũai póng cõ alớĩ bán rêng; cớp cũai thâu cõt sữp la cõ alớĩ bñn sóc pluac.

30 O yõn manrap cũai ntâng lứq, yuaq ranáq a-ĩ ki têq táq yõn cũai ralêq loah mút pahõm tamái.

21

1 Yiang Sursĩ bán curiaq mút pahõm puo ariang Yiang Sursĩ sadoi rana yõn đờq hoi chu nãi chu ki.

2 Dũ ranáq cūai táq, án chanchóm pai khoiq p̄ieiq lúq chơ, ma Yiang Sursĩ ốt nhêng salĩq níc mút pahõm cūai.

3 Yiang Sursĩ ẽq hái táq ranáq tanoang tapúng cốp p̄ieiq o, hõn tẽ án yoc hái dững crong chiau sang yõn án.

4 Cūai culiau moat chók yóu cốp achõn tỗ, ki bữn lôih lúq; yuaq ranáq ki apáh yõn noau hữm alói la cūai sâuq lúq.

5 Aloõh ngê carsĩat o cốp táq sarâng, ọc ki táq yõn dũ ranáq cõt lơi; ma khân hập coáp táq ranáq cốp tỡ bữn chanchóm voai, ọc ki táq yõn cõt cadĩt níc sâng.

6 Sanóc bữn na raphéq rathũ, ki pút chái lúq, cõt samoat sarnốq dững chu ọc cuchĩt.

7 Mách cūai sâuq cóq roap tột cõ alói tachoat; alói tỡ ẽq thág táq ranáq p̄ieiq.

8 Mách cūai khoiq táq ranáq lôih, alói p̄õq tâng rana cooc véc; máh cūai ca tỡ bữn táq lôih, alói táq ranáq p̄ieiq.

9 Khaq ốt chíq tâng mpuol dống, saláng ốt muoi dống cốp lacuoi ma yoc ralõih níc.

10 Cūai sâuq dec-padéc yoc ẽ táq ranáq sâuq; án ốq loâng mút sarũiq chók cūai canõh.

11 Toâq noau manrap cūai ca dốq ayê ra-ac yóu, máh cūai tỡ bữn dáng ntróu, tẽq tutuaiq cốp rien tẽ ọc noau manrap ki; toâq noau atõng cūai rangoaiq, án bữn dáng sa-ũĩ ẽn.

12 Yiang Sursĩ la Yiang tanoang o, án dáng nheq máh ranáq sâuq tâng dống cūai loai, cốp án dững atoâq ọc rúng ralõh p̄õ alói.

13 Cũai ca tở ẽq tamúng toâq cũai cadĩt sễq tễ án, ki tở bữn noau tamúng tê toâq án sễq yỗn noau chuai án.

14 Khân cũai aléq nhôp mới, cóq mới ỉt crớng mpon cóp yỗn án na clỗp, chơ ớc cutâu ki cõt ngcuai taiq loah.

15 Cũai tanoang o sâng bũi pahỡm toâq án hữm noau táq p̄ieiq o; ma máh cũai sâuq, ki alới sâng croỏq lứq.

16 Ốc cuchĩt ớt acoan níc cũai ca parnging-parnguang tễ ngê tanoang o.

17 Cũai ca yoc ẽ tâc cha sâng, nguaiq níc blống, cóp cha níc sana ra-ớt, cũai ki tở nai cõt sốc bữn.

18 Khân máh cũai sâuq chi-chuaq ngê ẽ táq túh arức cũai tanoang o, chơ ớc túh arức ki lứq toâq loah pở alới bữm.

19 Khaq ớt tâng ntốq aiq, saláng ớt muoi đống cóp lacuoi ca hap-pahap loai níc.

20 Cũai rangoiq pachứm máh sanốc tâng đống án; ma cũai sacũl, máh léq án bữn án tâc cha pốih nheq.

21 Cũai tanoang tapúng bữn mút sarũiq, án bữn ớt cóng tamoong dũn; noau yám noap án, cóp án táq pởq lứq pân cõt.

22 Sốt tahan rangoiq, têq án riap cheng ndỡm vil ca bữn cứng tahan, đêh talốh viang vil khâm ca máh cũai tâng vil ki poâng.

23 Cũai khểuq rabán lieih bữm, ớc túh coat tở bữn toâq pở án.

24 Cũai achỗn tở cóp ớt sác, cũai ki ớq mút saryóq chóq cũai canỗh.

25 Cũai tở ẽq táq ranáq, la samoât án cachĩt tở án bũm;

26 án ham yoc ẽ bũn crớng cróu sa-ũi. Ma cũai tanoang o yoc ẽ chuai cũai canốh, yuaq cũai tanoang o bũn mút pahỏm la-a.

27 Yiang Sursĩ kệt crớng cũai loai chiau sang; alóı chiau sang ma mút alóı chanchỏm tở bũn o.

28 Cũai tũn apót cũai canốh, lứq án cuchĩt pứt; cớp khân cũai aléq tamứng santoiq án ki, lứq án cớt rúng ralỏh tẻ.

29 Cũai tanoang o chanchỏm yỏn samoât voai tẻ ranáq án ẽ táq; ma cũai sỏuq táq nan án la cũai tanoang o cớp dỏng đũ ramứh.

30 Ốc tacỏng dỏng rangoiq la tở bũn kia ntróu khân Yiang Sursĩ tở bũn pruam.

31 Tam bũn muoi cantỏh asẻh thừan đỏq loỏh rachıl, ma óng Yiang Sursĩ toỏp yỏn tẻq chıl riap.

22

1 Khân noau parửoh tẻ ốc sỏc bũn cớp ramứh ranoỏng, ki o yỏn rườh ỉt ramứh ranoỏng.

2 Cũai sỏc cớp cũai cadĩt bũn muoi ramứh machỏng, bar náq alóı la Yiang Sursĩ toỏp tẻng.

3 Cũai rangoiq bũn hũm ranáq túh coat ẽ toỏp pở án; ngkỉq án viaq chíq tẻ ranáq ki; ma cũai tở bũn dỏng ntróu, án rurỏi pởq níc, chỏr án ramỏh níc ốc túh coat.

4 Khân cũai trỉh Yiang Sursĩ cớp asẻng tở bũm, lứq án cớt sỏc bũn; bũn cũai yỏm noap án, cớp án bũn ỏt cớng tamoong đũn hỏ.

5 Mách rana cūai sâuq pōq bñn moang sarnōq cōp sarlia; ma cūai dáng rabán o dōi tamoong, án têq viaq vót tễ ốc ki.

6 Cóg arñen máh con anhia yñn alóí dáng rabán o tở alóí bñm, chơ toâq ntun alóí sanhữ níc sốt dōi tamoong alóí.

7 Mách cūai cadĩt cõt sũl yñn cūai sốc; cūai ca voaq práq, ki án cõt sũl yñn cūai ca yñn án voaq.

8 Án trứh ốc sâuq, ki án bñn sot ốc túh coat; cōp cūai aléq padâm cūai canốh, nỡ-ra án roap ranáq pút miat.

9 Cóg mới bñn mút pahỡm la-a cōp tampẽq sana yñn cūai cadĩt, chơ ốc bốn lứq toâq pỡ mới.

10 Khân tuih aloốh cūai đốq ralốih, ki tở bñn bñn noâng ranáq rasuon ratuq, tở la manoaq sieu manoaq.

11 Cūai bñn mút bráh o cōp táq ntỡng satoiq languat laham, puo lứq yoc ẽ cõt yóu cōp án ki.

12 Yiang Sursĩ bán curiaq níc ốc pñeiq; ma án tở bñn bñi cōp cūai táq ntỡng lauq.

13 Cūai aloah yoc níc ốt ndống; án pai neq: “Cốh lơ bñn cula samín ốt yáng tiah crốq ẽ cáp cứq tâng rana cống bñn.”

14 Ranáq cooc lacuoi cayac noau, cõt samoât ỉt sarnōq chốq tở bñm; sarnōq nâi ốt acoan ẽ cuoiq cūai ca táq yñn Yiang Sursĩ cutâu mút.

15 Carnẻn đốq táq yủh-yủh, ma têq noau arñen án yñn táq ranáq o na manrap án.

16 Cūai aléq đưng crơng mpon yñn cūai sốc, tở la padâm máh cūai cadĩt đốq ẽ cõt sốc tê, cūai ki lứq táq yñn tở án bñm cõt cadĩt palứq ẻn.

Pái Chít Ốc Santoiq Rangoaiq

17 Cóg mới tamúng nơ! Cúq ẽ arĩen yõn mới dáng tẽ máh santoiq cũai rangoaiq; cóq mới rien tẽ máh ốc ki atõng. 18 Khãn mới sanhữ cóp têq ruaih loah máh ốc nãi, ki mới lúq cõt bũi óh. 19 Cúq ẽq mới sa-âm Yiang Sursĩ nheq rangúh rahõ; cõ ngkíq cúq atõng mới tẽ santoiq rangoaiq nãi. 20 Cúq khoiq chĩc pái chít ốc santoiq nãi yõn mới, ẽq mới dáng cóp sapúh tẽ ranáq o lúq nãi. 21 Máh ốc nãi ẽ arĩen mới yõn dáng tẽ máh ốc pĩeiq lúq. Khãn noau ớn mới põq ravoat ốc lúq, ki mới têq dũng achu ốc ta-õĩ pĩeiq lúq.

Muoi

22 Chõĩ padâm cũai cadĩt cõ ươ anhia bũn chóc hõn tẽ alóĩ; chõĩ sambrĩaq cũai ca tở bũn noau rapai chuai põ ntóq rasũq. 23 Yiang Sursĩ lúq bẽng parnai chuai alóĩ, cóp án dadõq ẽ táq níc dõĩ tamoong cũai ki.

Bar

24 Chõĩ ratoĩ cóp cũai mút nsóq, tở la cũai tachoat. 25 Cõh lơ mới tũoiq ariang ngê alóĩ, cóp tở têq ralêq noâng.

Pái

26 Chõĩ táq tếc parkhán ẽ culáh tu yõn cũai canõh. 27 Khãn mới ma tở bũn ntróu ẽ culáh tu, ki dẽh cachõng mới bẽq la põih nheq noau õt.

Põn

28 Chõĩ asĩc lác raloan ca achúc achiac anhia khoiq chõh dõq.

Sõng

29 Khân mới hữm bữn cũai Chiang táq ranáq o, cũai ki têq táq ranáq yõn puo, tở cõn yõn cũai miat sâng.

23

Tapoât

1 Toâq mới tacu cha cớp cũai bữn chớc, cóq mới chanchóm yõn samoât, án ca ntôm chi-cha cớp mới la noau. 2 Khân mới coi đốq cha sa-ữi, cóq mới ót voai. 3 Chõi ham sana án aloõh yõn cha; cõh lơ án tơm ngê mới cớng bữn.

Tapul

4 Cóq mới bữn ốc rangoiq; chõi táq luat ngư cõ ẽ bữn tĩen práq sa-ữi; 5 yuaq práq mới têq pút tâng muoi carbéh moat sâng, ariang pai án bữn khlap pâr machớng calang crức.

Tacual

6 Chõi cha parnoi cớp cũai rahĩt, tở la ham sana ẽm ca án aloõh yõn mới. 7 Án pai neq: “Sẽq mới mới cha cớp ỉt tữm ẽn,” ma tở cõn lứq ngkíq, yuaq án sâng lô lứq tễ máh sana án aloõh ki. 8 Mới lứq cuta aloõh loah nheq máh sana mới khoiq cha, cớp máh santoiq ca mới achưng alư án tở bữn cõt kia ntróu noâng.

Takêh

9 Chõi apooch bõq noâng atõng cũai sacũl yõn dáng, yuaq án tở dáng pasẽq máh ốc rangoiq mới atõng.

Muoi Chít

10 Chõi asíc lác raloan khoiq bữn tễ nhũang, cõ cheng ỉt cutẽq con cumuiq, 11 yuaq Yiang Sursĩ

ca rêng lúq bán kĩaq alói, cóp án lúq chíl mới tang alói.

Muoi Chít La Muoi

¹² Cóq mới cayóm đởq samoât samoi tễ máh satoiq noau atởng, cóp rien yởn samoât máh léq mới rơi rien.

Muoi Chít La Bar

¹³ Chối táq cro đởq manrap con anhia. Khân anhia tambráih án toâq dũi, lúq án tở bữn cuchít mỗ. ¹⁴ Anhia táq ngkíq, la đởq chuai dời tamong án.

Muoi Chít La Pái

¹⁵ Con ơi! Khân mới ma bữn sarnóm rangoaiq, cúq mpoaq sâng bũi pahỏm. ¹⁶ Cúq mpoaq bũi pahỏm toâq sâng con cúq táq ntởng moang satoiq p̄ieiq.

Muoi Chít La Pỗn

¹⁷ Chối sa-on tễ máh cũai lôi; ma sốt dời tamong mới cóq mới yám noap níc Yiang Sursĩ.

¹⁸ Khân mới táq ngkíq, ki mới nguang bữn dời tamong o.

Muoi Chít La Sỡng

¹⁹ Con ơi! Cóq mới tamứng nơ! Cóq mới rangoaiq níc cóp chanchóm yởn samoât tễ dời tamong mới. ²⁰ Chối ratoi cóp cũai mác nguaiq blống, tở la cha tôn-tín. ²¹ Cũai đởq bũl blống cóp cha tôn-tín, alói lúq cõt cadít. Khân mới ham cha nguaiq cóp bẻq sâng, tở bữn dũn mới lúq tâc tampâc raháq.

Muoi Chít Tapoât

²² Cóq mới tamứng satoiq mpoaq mới, án ca chừm siem yởn mới bữn tamong. Chối táh mpiq mới toâq án thâu crưong.

²³ Cóg mới chi-chuaq ọc p̄ieiq; cóq mới ravoât ọc rangoaiq cóp rien yõn dáng samoât, yuaq máh ramúh ki bữn kia lứq; o yõn mới chõng, cayóm đõq, cóp chõi chéq.

²⁴ Mpoaq sâng bũi toâq án hũm con cõt cũai tanoang o. Toâq con bữn sarnóm rangoaiq, ki mpoaq cõt bũi pahõm lứq.

²⁵ Cóg mới táq yõn mpoaq sâng tanga tẽ mới, cóp cóq táq yõn mpiq mới bữn ọc bũi.

Muoi Chít Tapul

²⁶ Con ơi! Cóg mới roap ìt yõn samoât máh ọc mpoaq mới atõng, cóp tũoiq ìn mpoaq mới tê. ²⁷ Mansẽm chéq tổ cóp mansẽm táq ranáq tanghang, cõt samoât rabang đưng chu ọc cuchĩt. ²⁸ Tổp mansẽm ki õt crõq samoât cũai tutuoiq, cóp táq yõn sa-ữi náq samiang tổ bữn tanoang tapúng noâng.

Muoi Chít Tacual

²⁹⁻³⁰ Cúq sacâm tẽ muoi noaq cũai ham nguaiq blõng, án tổ nai tangút carchóc parnơi sa-ữi thũ blõng. Ngkíq, cúq ẽ yõn mới dáng ọc túh arúc cóp ọc ngua tẽ cũai ki. Án bữn níc ọc túh coat, án bubéq túh níc, moat án cusâu phĩang, cóp tổ chác án cõt trúc nheq. ³¹ Yuaq ngkíq, chõi sa-on cumíq blõng nho, tam án cõt rapooh cusâu nêuq o lứq cóp raloang ẽm lứq. ³² Ma toâq mới nguaiq, mới sâng a-ĩ ariang cusân bữn pih tot. ³³ Mới cõt langát-langơ cóp ralan moat; mới cõt clóc clu, tổ têq táq nõtng yõn raloaih noâng. ³⁴ Mới sâng samoât õt tâng mpúng dĩ cloong đõq mut, cóp ariang õt tâng tuoc parlât parlĩang túng-tooc

lốh savĩr plồ. ³⁵ Chơ mới pai neq: “Tở dáng noau chooc cúq; tở dáng noau tapáh cúq; ma cúq tở bữn sâng a-ĩ, cớp tở bữn chữ ntróu loâng. Yuaq nốq cúq ma tở rơi yuor tayúng noâng; o tê tồq loah muoi cachoc ẽn.”

24

Muoi Chít Takêh

¹ Chỏi sa-on tễ máh cũai sâuq; chỏi ratoi cớp alóí. ² Tồp alóí chanchóm níc ẽ táq yỗn cốt ralốh-ralái; bỗq alóí bán lứq táq yỗn cũai canốh ramóh túh coat.

Bar Chít

³ Cồ nhơ bữn ốc rangoaiq cớp sapúh, ma têq noau ayúng đống. ⁴ Cồ nhơ dáng sa-ũi ngê, ngkíq tâng clống đống poân moang cớng ngoaih cớp máh mun nêuq o.

Bar Chít La Muoi

⁵ Khaq cốt cũai rangoaiq, saláng cốt cũai rêng; cớp cũai dáng sa-ũi, án lứq cốt rêng achốh.*

⁶ Khân mới yoc ẽ mut chu ntốq rachíl, cóq mới aloốh ngê rachíl nhũang voai. Cớp khân bữn sa-ũi nắq cũai tĩeih atống, ki têq mới chíh riap.

Bar Chít La Bar

⁷ Santoiq cũai rangoaiq pai la yarũ lứq; cũai sacũl tở têq sapúh santoiq ki. Toâq bữn ốc sarhống cheq toong mut vil, cũai sacũl ốq santoiq ẽ táq ntống.

Bar Chít La Pái

* **24:5** 24:5 Bữn noau parlong rana 5 nài neq: ‘Cũai rangoaiq bữn bán rêng sa-ũi, cớp cũai dáng sa-ũi cốt rêng achốh.’

⁸ Khân mới ma aloõh níc ngê sâuq, dũ náq cũai bữn dáng la mới lếuq-asếuq. ⁹ Máh ranáq ntróu cũai sacũl chanchóm cõt ranáq lôih nheq. Noau kêt cũai đốq atũl pai cũai canõh.

Bar Chít La Põn

¹⁰ Khân mới pê pahõm bo ớc túh coat toâq, ki bán rêng mới lứq cõt ieuq tuar toâp.

Bar Chít La Sõng

¹¹ Chõỉ cro đốq rachuai cũai noau hor ẽ cachĩt, tam cũai ki tở bữn táq tở o ntróu. ¹² Khân mới pai neq: “Ớc ki tở cõn ranáq cứq.” Ma Yiang Sursĩ ớt nhêng níc mới; án dáng dũ ramứh, cốp án culáh cồng puai ranáq mới khoiạ táq.

Bar Chít Tapoât

¹³ Con ọi! Cóq mới nguaiq đốq khĩal, yuaq đốq khĩal ki ẽm lứq. Đốq khĩal ki ngiam parhêng tâng caldõc mới. ¹⁴ Cóq mới dáng tê la sarnóm rangoaiq cõt ẽm yõn raviei mới. Cóq mới roap ớc rangoaiq, chơ dõỉ tamoong mới bữn ớc nguang.

Bar Chít Tapul

¹⁵ Chõỉ cõt sanốq cũai sâuq aloõh ngê ẽ pữr cũai tanoang o, tở la cheng đống án. ¹⁶ Tam cũai tanoang o dóm tapul trở, án lứq yuor tayứng loah; ma khân cũai sâuq dóm muoi trở sâng, la án cuchĩt pứt loâng.

Bar Chít Tacual

¹⁷ Chõỉ sâng bũi toâq cũai par-ũal mới tamóh túh arức, cốp chõỉ sâng ỡn toâq án dóm. ¹⁸ Khân mới ma ca-iep cupriaq án, Yiang Sursĩ dáng, cốp án tở bữn bũi pahõm tễ ớc ki; cõh lơ pĩeiạ án tở bữn yõn cũai ki roap tột cồng bữn.

Bar Chít Takêh

19 Chõĩ sâng túh tâng mút pahõm cõ tian tẽ cõai loai; chõĩ sa-on cumíq alóĩ. 20 Yuaq dõĩ tamooŋ cõai sáoq tở bữn ngcuang cõt o ntróu; dõĩ tamooŋ án cõt ariang chóp tóu ca lalũ ẽ pát.

Pái Chít

21 Con ơi! Cóq mới yám noap Yiang Sursĩ, cóp yám noap puo hõ. Chõĩ pruam cóp máh cõai đốq chĩl Yiang Sursĩ tở la chĩl puo, 22 yuaq cháĩ lứq ốc rúng pút toáq pở cõai ca táq ngkíq. Mới tở tẽq dáng ốc cuchĩt pút ntróu ẽn ẽ toáq pở alóĩ.

Máh Santoiq Rangoaiq Canõh Ẽn

23 Cõai rangoaiq pai tũm ẽn neq: Lứq tở bữn pĩeiq, khân rasũq ma bẽng ống muoi coah sâng. 24 Khân cõai parchĩn parnai ma pau pai cõai lỏih cõt tở bữn lỏih, ki lứq pĩeiq máh cõai kêt cóp báih án ca parchĩn ki. 25 Ma khân án parchĩn yõn cõai lỏih roap tột, ki án bữn roap ốc bõn, cóp ramứh ranoáŋ án cõt o.

26 Cõai ca ta-õĩ tanoang, ki apáh án lứq cõt yóu mới.

27 Cóq mới choat chõi sarái mới yõn moâm neq voai; moâm ki nốq mới táq đốŋ mới õt.

28 Chõĩ tũn apót sâng cõai canõh bo noau rasũq; cóp chõĩ raphếq rathũ cõai táq ranáq rasũq. 29 Chõĩ pai neq: “Cứq ẽ táq loah án ariang án khoi q táq chóq cứq; cứq ẽ carláh đờq loah chóq án.”

Ranáq Cõai Aloah

³⁰ Bữn muoi tangái cừq pởq pha sarái cớp nưong nho khong cũai aloah cớp sacũl. ³¹ Nưong ki bữn moang rapul sarlia, cớp bữn moang bát. Viang tamáu ca caruang lavíng nưong ki la ralốh nheq. ³² Cừq ớt chanchóm cớp tutuaiq tể máh ramứh ki, chớ cừq dáng neq; ³³ Bếq anoang ngkĩng mahối voai, cớp rlu mahối; ³⁴ bo ki toáp, ốc túh cadít toáq pở mới ariang cũai rapốn toáq; cớp ốc panhieih khlac toáq ariang cũai dững cớng choac toáq chíl mới.

25

Sa-lamôn Pai Pali Panha Tữm Ễn

¹ Nài la máh santoiq pali panha puo Sa-lamôn pai tữm ễn; máh cũai ớt tâng đống puo Hê-sakia tâng cruang Yuda chĩc tũoiq loah máh ốc nài.

² Tốp hái yám noap Yiang Sursĩ cồ dũ ranáq án cutooq đốq; tốp hái yám noap máh puo cồ dũ ramứh alới aloốh yỗn dáng.

³ Tốp hái tở nai dáng tể máh ranáq puo ớt chanchóm; ốc puo chanchóm la ariang paloống sarốih lứq, tở la ariang đốq mut yarũ.

⁴ Cớq sarốc práq yỗn chũn loốh nheq voai, ki nốq cũai Chiang tềq ỉt práq ki táq cớng pasang. ⁵ Machống ki tề, cớq tuih cũai sầuq yỗn loốh chíq tể ntốq puo ớt; ki nốq máh cũai bữn dáng ayững atĩ án la cũai tanoang o.

⁶ Toáq mới tayững choâng moat puo, chối táq ariang mới la cũai sốt toâr. ⁷ Khaq yỗn puo achỗn

chóc mới, saláng án alíh chóc mới cốp yõn cũai canõh ẽn pláih mới.

⁸ Toâq mới ẽ táq muoi ramứh ntróu, chõih coâp toâq pỡ ntốq rasữq. Cõh lơ bữn cũai pai cutõ mới toâp ca táq lôih, khân ngkíq nõq mới ẽ táq?

⁹ Khân mới cốp yóu mới ma bữn miar ngê, cóq anhia sarhống voai, cốp chõih yõn cũai canõh dáng ốc anhia sarhống. ¹⁰ Khân tỡ bữn ngkíq, dũ náq dáng mới tỡ rơi yống ốc cartooq; chơ mới cõt casiet táq tỡ nai pút.

¹¹ Khân noau atõng ngê o cốp raloaih, nâi la samoât rup yẽng noau pasang toâq práq.

¹² Cũai ca tamứng santoiq cũai rangoaiq tẽih atõng, ki án roap kia hỡn tẽ sambết, tỡ la crơng pasang ca táq toâq yẽng muoi chít.

¹³ Dỡq leng táq yõn cũai susot bo catữ phũac cõt laham; cũai ranẽng tanoang tapứng, táq yõn cũai ca ón án pỡq sâng bũi pahỡm.

¹⁴ Cũai khoiq ữq ẽ yõn máh crơng ma án tỡ bữn yõn, la machớng bữn ramứl cốp cuyal, ma tỡ bữn mia.

¹⁵ Khân cũai nguai atõng cũai sốt, tẽq án táq yõn cũai sốt tamứng; cốp khân án atõng laviei, án táq yõn cũai sốt tapun santoiq án atõng.

¹⁶ Chõih nguaiq dỡq khĩal luat ngư; khân nguaiq sa-ữi, lứq ốc nâi táq yõn mới cuta aloõh loah cớng bữn. ¹⁷ Chõih pỡq sa-óh yóu mantái níc, yuaq cõh lơ án sâng panguang tẽ mới, chơ avoáih mới loâng.

¹⁸ Ranáq apót cũai canõh la ariang ẽ cachít án toâq dau, racál, tỡ la saráh nhòiq lứq.

19 Poâng cūai tở bữn tanoang tapúng bo ramóh ốc túh arúc, la machóng cha mỗ canễng cốt rabil-rabuł, tở la tayáh pởq ariang cūai yốt ayững.

20 Khân ũat yỗn cūai ngua pahỡm tamúng, la samoat tũot tampác án tâng tangái sangết, tở la ỉt boi aprĩaq tâng bớc án.

21 Khân cūai par-ũal mới ma panhieih, ki cóq mới yỗn án cha; khân án khlac đởq, ki cóq mới yỗn án nguaiq. 22 Táq ngkíq, ki táq yỗn án sâng casiet táq,* cóp Yiang Sursĩ lứq yỗn mới bữn cóng.

23 Machóng cuyal coah angia pỡng đừng đởq mia, máh ki tê cūai adon dát tâng bỗq đừng atoàq ốc ũan.

24 Khaq ốt chíq tâng mpuol đống, saláng ốt muoi đống cóp lacuoi đốq ra-úc ralốih níc.

25 Khân sâng noau pau ranáq o tễ nốq yớng, ki la machóng nguaiq đởq leng bo khỗ arooq.

26 Cūai tanoang o ma tamúng cóp tantun cūai sâuq, la machóng đởq mec cốt nhợp, tở la đởq chửong bữn noau Choi rahâu bũl.

27 Tở bữn o nguaiq đởq khĩal hập nhữn; machóng ki tê tở bữn o chuaq níc yỗn noau khễn tở bữm.†

28 Cūai tở dáng rabán tở bữm la machóng vil bữn viang khoiq ralốh.

* 25:22 25:22 Tâng rana nài án pai neq: 'Khân anhia táq ngkíq, anhia parỗm đởq rahững ũih tâng plỡ án.' † 25:27 25:27 Rana 27 nài tở bữn raloaih tâng parnai Hê-brợ.

26

Atõng Tẽ Cũai Sacũl

¹ Tõ bũn pĩeiq achưng alư cũai sacũl; ki la machõng prẽl prıl sãng catũ phũac, tõ la mia sãng catũ susot.

² Santoiq báih tõ têq táq ntróu cũai ca tõ bũn táq lôih. Santoiq ki la ariang chõm ca pâr pachót tưng-tooc, ma tõ tamóh ntóq ẽ póc.

³ Dũi thrũan dõq toãn aséh, nhẽm thrũan dõq dũng aséh dẽn, cõp ranáq toãn proaih thrũan dõq yõn cũai sacũl.

⁴ Khân noau blóh sacũl lúq, ma mới ta-õi, ki mới sacũl machõng án ca blóh ki tê.

⁵ Khân cũai sacũl pai santoiq tõ cõt ốc, cõq mới ta-õi án; khân mới tõ bũn ta-õi ntróu án, ki án chanchõm pai án la cũai rangoaiq.

⁶ Khân mới ớn cũai sacũl dũng santoiq pau, ki la machõng mới cõh ayũng mới bũm, tõ la ariang mới nguaiq pih.

⁷ Santoiq pali panha ca loõh tẽ bõq cũai sacũl, la machõng cũai coi ayũng pupõq ravĩng-ravõng.

⁸ Khân khẽn cũai sacũl la machõng chõq tamáu tâng tamĩang dũu.

⁹ Santoiq pali panha ca loõh tẽ bõq cũai sacũl la machõng cũai bũl blõng sacũri pál sarlia tẽ atĩ án.

10 Cũai aléq chang cũai sacũl yõn táq ranáq, ki án táq yõn dũ náq cũai táq ranáq án cõt túh coat.*

11 Khân cũai sacũl táq loah ranáq sacũl sĩa, ki la machóng acho põq yẽl loah carta án bũm.

12 Bũn cũai sacũl lúq, o hõn tẽ bũn cũai achõn tẽ pai án la cũai rangoaiq.

Atõng Tẽ Cũai Aloah

13 Cũai aloah dõq pai neq: “Bũn cula samín õt crõq yáng tiah vil, cóp bũn charán pla lúq õt tâng máh rana.”

14 Cũai aloah palõh túng-tooc tâng cachõng án bẽq, ariang toong põh catáih, ma tỡ bũn rasíc chu léq.

15 Cũai aloah yõng sana, ma dẽh tâng bõq bũm án aloah ẽ chõq.

16 Cũai aloah dõq chanchóm án rangoaiq hõn tẽ tapul náq samiang rangoaiq ca tẽih atõng.

Santoiq Pali Panha Canõh Ẽn

17 Khân tampruõ tẽ ốc cũai rasuon ralõih, ma tỡ cõn ranáq tỡ bũm, ki la ariang nhẽc cutũr acho bo án põq pha.

18-19 Cũai dõq phẽq cũai canõh, dõq án pai la án pai ra-ac sâng; ki la machóng cũai yúh pán saráh ùih ẽ cachĩt cũai.

* **26:10** 26:10 Rana 10 nãi tỡ bũn raloaih tâng parnai Hê-brõ. Bũn noau parlong neq: ‘Ốc ki samoât cũai pán tamĩang hõiq sâng.’

²⁰ Khân tở bữn bữn nũiq ùih, ki ùih pât; khân tở bữn bữn cūai adon dánh tâng bõq, ki tở bữn ọc ralõih.

²¹ Cucháh táq yõn cõt rahững ùih, nũiq ùih táq yõn ùih blữ; machớng ki tê cūai lểuq-asẽuq táq yõn cõt ralõih.

²² Ốc ravoõq yóu, ki pachóc pachĩac lứq; cớp cūai tamứng án lữn chái lứq.

²³ Bữn cūai táq ntởng santoiq ẽm o lứq, ma tâng mút pahõm án bữn moang ọc tachoât; ọc ki la machớng ỉt práq tiaq blom adéh cutẽq.

²⁴ Cūai ẽ táq cūai canõh, án táq nan táq ntởng o lứq chóq cūai ki, ma mút án cooc ravĩat. ²⁵ Án táq ntởng khểuq, ma chõi noap santoiq án pai, yuaq ọc loái ndõm níc mút pahõm án. ²⁶ Án õt pul cutooq níc ọc kêt, ma nõ-ra dũ náq cūai bữn hữm máh ranáq án táq.

²⁷ Cūai píq prúng sĩ chóq cūai canõh, lứq án toáp sapúl tâng prúng ki. Cūai aléq táq yõn tamáu sapĩl tẽ cóh, tamáu ki lứq sapĩl catât án bữm.

²⁸ Cūai kêt cūai canõh, đốq án táq ntởng lauq tẽ cūai ki, ẽq cūai ki cõt ngua; cūai ca achưng alữ yóu ma tở bữn lứq, la samoât án dững ọc ralõh-ralái pở yóu.

27

¹ Chõi manghoh nhũang tẽ ranáq mới ẽ táq tangái parnõ, yuaq mới tở bữn dáng ntrứu ẽ toáq tâng tangái parnõ.

² Yõn cũai canõh khẽn mới, ma mới chõih khẽn tõi bũm; khaq yõn cũai canõh sâng khẽn mới, saláng mới khẽn tõi mới bũm.

³ Khân cũai sacũl racoai, ốc ki la ntâng clũih tẽ tamáu cớp chũah.

⁴ Ốc cutâu mút la pla cớp tachoat lứq; ma ốc bũah la sâuq hõn tẽ ki ẽn.

⁵ Khaq táq pai choâng moat toáp, saláng ayooq ma tõi bũn ápáh.

⁶ Tam máh yóu táq yõn mới sâng a-ĩ tâng mút, alóih noâng ayooq mới. Ma khân cũai par-ũal kĩa tacong mới táq nan ratoih, ki cóq mới nhêng yõn o!

⁷ Toáq cha pasai chơ, lứq pai dờq khĩal la tõi ẽq nguaiq noâng; ma toáq sâng panhieih, ki sana ntáng la pai giam parhẽng.

⁸ Cũai táh đống bũm, la machóng chóm táh sóh.

⁹ Dờq phuom cớp dờq ana táq yõn hái sâng tanga tâng mút; ma hõih ốc ayooq tẽ yóu ratoih la o hõn tẽ hõih siet phuom trâm.*

¹⁰ Chõih khĩih máh yóu, tõi la yóu mpoaq mới. Toáq mới túh arúc chõih chi-chuaq noâng sẽm ai cớp khõih cúa ca ốt yong tẽ mới; ma cóq mới sẽq máh yóu ca ốt muoi vil viang cớp mới sâng chuai.

¹¹ Con ơi! Cóq mới cõt cũai rangoaiq, ngkĩq cứq mpoaq sâng bũih pahõm; toáq noau tẽq cứq mpoaq cõ tẽ mới, ki tẽq cứq rapai loah.

* 27:9 27:9 Rana 9 nãi tõi bũn raloaih tâng parnai Hê-bơ.

12 Mách cūai khoiq dáng, têq alóiq viaq tễ máh ranáq túh coat ca ẽ toâq; ma máh cūai tở bữn dáng ntróu, alóiq pởq hỏiq sâng, chơ alóiq ramóh túh coat.

13 Khân cūai sacũl ma parkhán ẽ culáh tu tang cūai tễ cruang canỏh, ki p̄ieiq noau ỉt mun án đởq táq tếc.

14 Tâng tarựp tễ cláih, khân mới ỏq cu-ỏq pai ỏc bốn yỏn yỏu mới, cỏh lơ ỏc ki cởt ỉn mới báih án.

15 Lacuoi ca ra-úc ralỏih níc, la machớng tangái mia chanchíc thág. 16 Atờng yỏn án chỏi rasuon noâng, la machớng cớp cớp cuyal, tở la atĩ cupoau đởq nsẻng.†

17 Cūai đởq ỉt tac nâi kit pahot cớp tac ki yỏn bớc; machớng ki tê, manoaq cóq rien tễ manoaq yỏn cởt rangoaiq.

18 Cūai nhêng salĩq nỏm tarúng, án bữn cha palâi tarúng; cūai nhêng salĩq ncháu án, lứq noau yám noap cūai ki.

19 Toâq mới pũp loang tâng cloong đởq, mới hữm loah roâp mới bữm; cớp toâq mới nhêng loah tâng mút pahỏm mới, ki mới dáng loah nết mới bữm.

20 Ớc cuchĩt cớp ỏc túh arức lựn cūai tở nai cởt moâm; machớng ki tê moat hái nhêng máh léq la tở nai cởt pê.

21 Noau đởq apỏng yẻng cớp práq tâng ũih đởq chim; ma noau đởq chim cūai na santoiq khẻn.

† 27:16 27:16 Rana 16 nâi tở bữn raloaih tâng parnai Hê-bơ.

²² Tam mới ít ntri clóh cūai sacūl tâng tapál machóng mới clóh saro, ma mới tở têq saruah ốc sacūl yỗn loỏh tễ án.

²³ Cóq mới kĩaq yỗn samoât máh cữu cớp ntroỏq mới, ²⁴ yuaq mun sán mới tở bữn ốt níc; lứq đếh chớc puo la tở bữn khâm níc dũ thrap cūai. ²⁵ Toâq vớt mới roaiq bát pở ruang cớp pở cuar cóh, moâm ki án báiq loah. ²⁶ Bo ki, têq mới cút sóc cữu táq tampác, cớp têq mới chếq máh mbễq mới, chơ pởq chỡng cutễq. ²⁷ Máh mbễq ca mới tở bữn chếq, án têq yỗn mới bữn ít đờq tóh tễ án đờq siem mới cớp đống sũ mới, đếh máh cūai mansẽm ca táq ranáq yỗn mới hỡ.

28

¹ Cūai sấuq lúh pláh chap tam tở bữn noau rapuai; ma cūai tanoang o clốq ariang cula samín.

² Toâq cūai tâng muoi cruang rachíl ratuaq, alới ralẻq níc cūai sốt. Ma toâq bữn máh cūai sốt ca rangoaiq cớp sapủh sa-ủi, cruang ki têq cốt khâm cớp rẻng.

³ Cūai sốt ma padâm cūai cadĩt, ki la machóng mia choân pủh máh palai sarnóh yỗn cốt saroi nheq.

⁴ Máh cūai ca táh phễp rit, alới khẻn cūai sấuq; ma máh cūai ca táq puai phễp rit, alới tở bữn pruum cớp cūai sấuq.

⁵ Máh cūai sấuq tở bữn dáng loâng ốc tanoang; ma máh cūai trỉh Yiang Sursĩ, alới dáng ốc tanoang lứq.

6 Khaq cõt cũai cadĩt ca tanoang tapúng, saláng cõt cũai sốc cõ lóp noau.

7 Mách cũai póng ca yám noap phễp rit, alóı la cũai rangoaiq; ma alóı ca cõt yóu ratoı cóp cũai cha tôn-tín, táq yõn mpiq mpoaq alóı cõt casiet.

8 Cũai cõt sốc na ít loi sa-ữi, ki án parõm miat sâng mun ki; yuaq nõ-ra cũai canõh ca bữn mút pahõm yoc ẽ chuai cũai cadĩt ẽn bữn tâc cha mun ki.

9 Cũai aléq ma tở bữn táq puai phễp rit, Yiang Sursĩ kêt santoıq cũai ki câu.

10 Cũai aléq ma radũng cũai tanoang táq ranáq sâuq, cũai ki lứq sapúl loah tâng ranáq sâuq án bữm; ma cũai ca tở bữn lờih, án bữn roap cóng o lứq.

11 Cũai sốc đốq chanchóm pai án bữn sarnóm rangoaiq; ma cũai cadĩt ca dáng raloaih, ki án dáng cũai ki tở bữn lứq rangoaiq ntróu.

12 Toâq cũai tanoang o bữn roap chóc, máh cũai aléq sâng bũ; ma toâq cũai loâi cõt sôt, máh cũai proai tooq sarát neheq.

13 Cũai aléq ma pul cutooq máh ranáq lờih án, đõi tamoong cũai ki táq nõq la tở loõh; ma cũai aléq ngin kho lờih án, Yiang Sursĩ sarũiq táq cũai ki.

14 Cũai aléq trĩh Yiang Sursĩ, cũai ki bữn ọc bốn; ma cũai aléq coang ngian, cũai ki cõt rúng.

15 Cũai sôt ma loâi cóp padâm máh cũai cadĩt, án la samoât riang cula samín arư, tở la sacâu palõng ẽ cáp máh cũai, tở bữn noau rachuai.

16 Cūai sôt ma tachoât lúq, án padâm níc cūai proai; ma cūai sôt ca kêt ranáq ralôp, lúq án cõt sôt dũn cumo.

17 Cūai cachĩt cūai canõh, lúq án roac nheq dõĩ tamoong án. Chõĩ yõn cūai aléq chuai án!

18 Cūai aléq ma põq tâng rana tanoang tapúng, cūai ki bũn plot ien; cūai aléq ma tở bũn tanoang tapúng, án ki cõt dóm asẽng.

19 Cūai ca sarâng táq nia sarái, cūai ki bũn dũ tâc khâm cha; ma cūai đõq põq cucuang, án cõt cadĩt sôt dõĩ.

20 Cūai tanoang tapúng bũn ớc bốn sa-ũĩ; ma cūai coáp ẽ cõt sôt, án tở têq viaq vót tẽ roap tõt.

21 Khân rasũq ma bẽng ống muoi coah sâng, ớc ki tở bũn o. Ma khân cūai parchĩn parnai ít práq chang, tam bĩq lúq práq án cha, la án bũn lôih.

22 Cūai rahĩt đõq coáp lúq ẽ cõt sôt; ma án tở bũn dáng tẽ ớc cadĩt õt acoan níc án.

23 Khaq noau tanĩq hái, saláng noau achưng alư hái; yuaq vót ki, hái ẽ khẽn cūai ca tanĩq hái.

24 Cūai aléq tuoiq crong mpiq mpoaq án, ma pai án tở bũn táq lôih ntróu, ki án tở bũn mpha ntróu tẽ cūai đõq tutuoiq.

25 Cūai ham yoc ẽ bũn sa-ũĩ, ki án cupôr níc ớc ralõih; ma cūai aléq noap Yiang Sursĩ, cūai ki lúq bũn dũ ramứh o.

26 Cūai ca noap níc tở án bũm, cūai ki la cūai sacũl; ma cūai ca táq puai santoiq cūai rangoaiq atõng, án lúq õt plot ien.

27 Cũai chuai cũai cadĩt, án tở nai ỏq; ma cũai ca nhêng sâng chu cũai cadĩt, án roap ỏc cũai ki pupap án.

28 Toâq cũai loai bữn cõt sốt, máh cũai proai tooq sarát nheq; ma toâq cũai loai ki cõt rúng ralốh chơ, bữn cũai tanoang o chốn cõt sốt pláih án.

29

1 Cũai aléq sa-ữi trở noau catoaih atởng ma án ngian níc, cũai ki santar sâng dóm, cốp án tở têq yuor noâng.

2 Toâq cũai tanoang o cõt sốt, máh cũai proai cõt bũi óh; ma khân cũai sâuq cõt sốt, máh cũai proai u-ổi cuclốiq cucling.

3 Con ca ẽr áiq yoc ẽ bữn ỏc rangoaiq, án táq yỗn mpoaq án sâng bũi pahỗm; ma cũai ca tỗh práq ẽ bữn mansẽm chẻq tỗ, án phỏng talốh máh mun án, lô miat.

4 Khân puo táq sốt tanoang tapứng, cruang án lứq cõt rêng; ma khân án ham ẽ bữn práq yềng ca noau chỡng mút pahỗm án, ki án táq yỗn cruang án cõt ieuq.

5 Cũai dỏq achưng alư yóu, ki la machớng án táq rabang to ayững án bữm.

6 Cũai sâuq chuat loah tâng ranáq lôih bữm, ma cũai tanoang o ươt yarĩng-yarĩng ỡn chỡ bũi óh lứq.

7 Cũai tanoang o tamprưo chuai cũai cadĩt; ma cũai sâuq, án tở bữn ramíng ntrớu.

8 Cũai đốq thrẽc cũai canõh, táq yõn đống vil cõt ralõih; ma cũai rangoaiq, táq yõn yếu õt ratoi.

9 Toâq cũai rangoaiq cauq cũai sacũl pở ntốq rasũq, cũai sacũl ki khlõh mút cớp táq loâl-paloâl sâng.

10 Cũai đốq cachĩt cũai canõh, án kêt cũai tanoang tapứng, cớp án chi-chuaq níc ngê ẽ cachĩt cũai tanoang o.*

11 Cũai sacũl ngữh nsốq chái lứq, ma cũai rangoaiq dáng ót pian.

12 Khân cũai sốt partoâq tâng ọc tở bữn lứq, ngkĩq nheq tữh cũai ayững aĩ án cõt cũai loâi nheq tê.

13 Cũai cadĩt cớp cũai đốq ếp noau, alới bữn muoi ramứh machớng, la Yiang Sursĩ yõn moat alới bar náq têq hữm.

14 Khân puo sữq p̄ieiq chốq cũai cadĩt, ki án bữn cõt puo dũn cumo.

15 P̄ieiq lứq hái ít dũi tambráih manrap con, yõn án õt khũn phếp. Khân hái puai níc rangứh con hái, ki mpiq án lứq cõt casiet táq.

16 Toâq máh cũai loâi cõt sốt, ki ranáq lôih cõt sa-ũĩ achõn; ma máh cũai tanoang o lứq bữn hữm toâq cũai loâi ralĩh chớc.

17 Khân cũai téh ếp yõn con cõt khũn phếp, lứq con ki yõn mpiq mpoaq õt ien khẽ, cớp yõn alới sâng hữr tanga tâng mút pahõm.

* **29:10** 29:10 Bữn noau parlong rana nâi neq: 'Ma máh cũai tanoang o bán curiaq đõĩ tamoong alớĩ.'

18 Khân cruang aléq óq óc sapáh tễ Yiang Sursĩ, cruang ki lứq cõt cruang tở bữn cõt rit; ma bốn lứq máh cũai ca yống pacái máh phếp rit Yiang Sursĩ.

19 Khân bữn cũai táq ranáq anhia, tở têq mớ alóí na bỗq sâng; tam án sâng santoiq mới pai, ma án tở bữn ramíng tễ santoiq ki.

20 Khaq hái poâng cũai sacũl, saláng hái poâng cũai ca pai aloõh ma tở bữn chanchóm nhũang.

21 Khân mới puoq níc án ca táq ranáq yõn mới, noap tễ án cacót toau toâr, ngkíq án atoâq moang óc ngua pỡ mới.†

22 Cũai cháí nsóq mút, án đốq racoâi yõn noau cõt ralõih, cớp cũai ca hâp coâp, án lứq táq lôih sa-ũi.

23 Cũai aléq achõn tỗ, ki án satooh; ma khân án asẽng tỗ, ki cũai canõh yám noap án.

24 Cũai ca pruum cớp cũai tutuoiq, án chõng pupút tỗ án bữm. Toâq noau rablớh tễ óc ki, lứq pai án thể dũan ẽ atõng tanoang, ma án tở khón atõng.

25 Cũai ca ngcõh cũai canúh, la samoât án to rabang chóq án bữm; ma cũai sa-âm Yiang Sursĩ, cũai ki lứq bữn plot ien.

26 Dũ náq ẽq cũai sốt táq o chóq alóí; ma óc p̄ieiq o toâq tễ ống Yiang Sursĩ sâng.

27 Cũai tanoang o kêt cũai sâuq; cớp cũai sâuq kêt tê cũai tanoang o.

† 29:21 29:21 Tở la, '...toâq parsót, án ndõm nheq máh mun mới.'

30

Máh Santoiq Acur

¹ Máh santoiq Acur con samiang Yakeh pai neq: “Yiang Sursĩ tở bữn ốt cớp cứq! Yiang Sursĩ tở bữn ốt cớp cứq, cớp tở bữn noau rachuai cứq.* ² Cứq cõt samoât muoi lám charán, tở cõn samoât cũai; cứq tở bữn sapúh ntróu ariang cũai canõh tâng dõĩ nãi. ³ Cứq tở nai rien ốc rangoiq, cớp tở bữn dáng ntróu loâng tễ ngê Yiang Sursĩ, án ca bráh o lứq. ⁴ Noau khoiq chõn chu paloõng cớp sễng loah dõq atõng tễ ốc ki? Noau tềq yõng cuyal, tở la cayóm dõq tâng aroaiq? Noau táq raloan yõn cớc cutếq nãi? Án la noau? Cớp noau la con samiang án? Âu, sễq mới atõng, khân mới dáng!

⁵ “Ốc Yiang Sursĩ parkhán tềq hái noap mantái níc. Án la samoât riang khễl dõq máh cũai toâq poâng. ⁶ Chõĩ tữm muoi ốc ntróu tâng santoiq án; khân mới tữm, án lứq nhóp cớp apáh yõn cũai dáng mới la cũai lauq.”

Acur Sễq Tễ Yiang Sursĩ

⁷ “Ơ Yiang Sursĩ ơi! Sễq anhia chuai cứq bữn bar ramứh nhũang cứq cuchĩt, la neq: ⁸ Chõĩ yõn cứq cõt cũai lauq, cớp chõĩ yõn cứq cõt sốc, tở la cadĩt luat ngư. Ngkíq, sễq anhia chuai yõn cứq dũ tâc khám cha la péq chơ. ⁹ Khân cứq ma bữn sa-ữi la-õq, cõh lớ cứq calõih anhia. Ma khân

* **30:1** 30:1 Tâng parnai Hê-brơ án pai án chĩc yõn I-thiel cớp Ucal. Bữn santoiq ‘i-thiel’ parlong loah ‘lakéh’, cớp ‘ucal’ parlong loah ‘ieug tuar’.

cúq cadĩt la-õq, cõh lơ cúq põq tutuoiq tở la lơp noau, cớp táq yõn anhia, la Yiang Sursĩ cúq, cõt casiet táq.”

Tữm Santoiq Pali Panha Canõh Ên

¹⁰ “Chõĩ tữn cũai táq ranáq bo án õt choâng moat cũai sớt án; khân mới táq ngkiq, cõh lơ cũai táq ranáq ki báih mới, chơ mới cóq roap tồ tễ ranáq ki.

¹¹ “Bữn máh cũai dốq báih mpoaq bữm, cớp tở dáng sa-õn mpiq.

¹² “Bữn máh cũai chanchóm alớĩ bráh o, ma alớĩ la nhợp la-õq.

¹³ “Bữn máh cũai culiau moat chóq cũai canõh, cõ alớĩ chanchóm alớĩ o hữn tễ cũai ki.

¹⁴ “Bữn máh cũai cõt samoât charán bữn canẽng ranhau sanõq dau tở la achũ. Alớĩ ẽ talong cha nheq máh cũai túh cadĩt, cớp pupút máh cũai túh arúc tâng cốc cutẽq nãi.

¹⁵ “Teh bữn bar lám con mansẽm; cớp bar lám mansẽm ki arô neq: ‘Yõn pở cúq! Yõn pở cúq!’

“Bữn põn ramứh tở nai cõt pasai la neq:

¹⁶ Ntốq cũai cuchĩt õt; mansẽm cữt; cutẽq khõ acoan đõq mia; cớp ùih blữ tở nai pát.

¹⁷ “Cũai ca ayê mumat mpoaq tở la palữĩ mpiq, p̃ieiq lứq calang crúc tot chíq moat án, cớp yõn chóm triang cha chíq sâiq án.

¹⁸ “Bữn põn ramứh cúq tở bữn dáng cớp sâng dót lứq, la neq: ¹⁹ Chóm calang pâr pachêng tưng-tooc tâng paloong; cusân talor tâng cõl tamáu; tuoc põq tâng cloong đõq mứt; cớp mansẽm samiang cõt manoaq ẽ bữn manoaq.

20 “Lacuoì tở bữn tanoang ẽ táq neq: Moâm án cooc noau, án pởq mpoì đởq yỗn bráh, chơ pai neq: ‘Cứq tở bữn táq lôih ntrứ!’

21 “Bữn pỗn ramứh cóc cutểq nâi tở rơi chũuq loâng, la neq: 22 Cũai sũl ma chỗn cõt puo; cũai sacũl ma cha thừơng la-ởq; 23 mansẽm reng ma bữn cayac; cớp mansẽm sũl ma cõt sớt chíq ncháu mansẽm án.

24 “Ổt tâng cóc cutểq nâi bữn pỗn thữ charán cacót lứq, ma rangoaiq lứq, la neq: 25 Samũiq: án ieuq, ma án parỗm pachứm đởq máh sana bo catữ phũac. 26 Patut: án ieuq tê, ma án táq ntốq ốt tâng crang tamáu. 27 Lam: án ốq puo, ma toâq án đễq, án pởq cõt sampứh. 28 Satẽn: têq mới cớp án toâq atĩ miat sâng, ma mới hữm án parcôiq sa-ữi lám tâng đống puo.

29 “Bữn pỗn ramứh ca tayáh nêuq lứq, la neq: 30 Cula samín la charán rêng cớp tở bữn ngcỏh acán ntrứ; 31 ntruoi tông pởq langoc-langoc; mbểq tôl; cớp puo tayáh nhũang máh cũai proai án.

32 “Khân mới la cũai sacũl ma ốt pai rangoaiq cớp aloỏh ngê tở o, cóq mới cupât chíq bỗq. 33 Khân mới ỉt đởq tóh, chơ cuvár níc, ki án đống cõt crơng sana. Khân mới chooc múh cũai canỏh, ki loỏh aham. Khân mới racoai toau cõt nsỏq, ki mahỏi cõt ra-úc ralỏih.”

31

Ổc Tĩeh Atờng Yỗn Puo

1 Santoiq puo Lê-muol t̃eih at̃ong; santoiq ñai án d̃ang t̃e mpiq án b̃m. 2 “M̃oi la con ca cúq mpiq ayooq l̃uq; m̃oi la Yiang Surs̃i ỹn c̃o cúq mpiq s̃e q t̃e án. Ntr̃ou nõaq m̃oi ẽq cúq mpiq at̃ong m̃oi? 3 Ch̃oi t̃õh r̃eng m̃oi ỹn rañaq lang̃o lamp̃õr, c̃op ch̃oi chiau práq ỹn mans̃em ch̃e q t̃o, yuaq máh mans̃em ki khoiq pup̃út puo sa-ũi náq ch̃o. 4 Lê-muol õi! C̃oq m̃oi tam̃ung ño! T̃o b̃m̃n o ỹn puo nguaiq ñic bl̃ong ñho, t̃o la ham l̃uq bl̃ong. 5 Tõaq máh puo nguaiq bl̃ong, al̃oi kh̃l̃r̃ ñheq máh ph̃e p̃rit, c̃op t̃o b̃m̃n sañh̃ũ nõang máh c̃uai túh cad̃it. 6 Ớq bl̃ong ẽ ỹn c̃uai ch̃e q cuch̃it, c̃op đ̃oq ỹn máh c̃uai ca b̃m̃n ốc ngua t̃ang mút. 7 Ỹn al̃oi t̃ing nguaiq đ̃oq kh̃l̃r̃ chíq máh ốc túh cad̃it, c̃op đ̃oq al̃oi t̃o b̃m̃n sañh̃ũ nõang máh ốc túh ar̃úc.

8 “C̃oq m̃oi pai tang ỹn máh c̃uai ốq ch̃óc, đ̃oq rachuai al̃oi ca ốq nt̃oq põang. 9 C̃oq m̃oi rapai chuai al̃oi, c̃op ras̃ũq ỹn tanoang l̃uq. C̃oq m̃oi nh̃eng sal̃iq c̃uai cad̃it c̃op c̃uai túh ar̃úc, c̃op táq tanoang tap̃ung ñic ch̃oq al̃oi.”

Lacuoī Ca O

10 Lacuoī ca b̃m̃n mút pah̃m̃ o, ki b̃m̃n kia h̃on t̃e máh tam̃áu moat, ma coat l̃uq chi-chuaq mans̃em ngk̃iq.

11 Cayac noap ñheq rang̃ũh lacuoī ca b̃m̃n mút o c̃op t̃o nai ốq muoi ram̃ũh o ntr̃ou.

12 S̃ót đ̃õi tamoong, mans̃em ki táq ống rañaq o ỹn cayac án; c̃op án t̃o nai táq s̃auq ntr̃ou ch̃oq cayac án.

13 Atĩ án tở nai tangút toâq án tan aroâiq cớp táq tampâc tễ sóc cũu cớp aroâiq busín. 14 Án pachứm đờq cớng sana tữn-ữn thánq tâng đống án, samoât tuoc patiang máh cớng tễ ntốq ca yớng lứq.

15 Án tamỡ tễ noâng canám đờq thữan sana yỗn đống sữ án, đễh thữan ranáq yỗn máh mansẽm táq ranáq án.

16 Án rườh cớp chỡng tâm cutểq đờq táq nường chớh palâi nho, na práq án chuaq bữm.

17 Án la mansẽm rêng cớp sarâng lứq.

18 Án bữn lơi tễ máh ranáq án chẻq chỡng, cớp án táq ranáq toau muoi mpứt sanang-brang.

19 Án ĩat bỡng cupaih cớp tan níc aroâiq.

20 Án bữn mứt pahỡm la-a chỏq cũai cadĩt cớp cũai túh arức.

21 Bo toâq catữ sangết, án tở bữn cớng ntrứu, yuaq con cayac án khoiq bữn đũ máh tampâc yỗn cõt sa-âm.

22 Án tan đờq ayỡ cớp tampâc santứm ẽng ca languat o.

23 Ramứh cayac án cõt parchia parhan, cớp cayac án táq parnoi cớp cũai ayông máh cũai proai.

24 Án táq tampâc, táq parnoân, cớp chẻq yỗn cũai đốq chẻq chỡng.

25 Án la mansẽm bán rêng lứq cớp noau yám noap án; cớp án tở bữn cớng ntrứu tễ đỡi tamoong án chumát.

26 Án táq ntỡng santoiq languat laham; cớp án catoaih atỡng ntrứu la pñeiq lứq.

²⁷ Án nhêng níc máh ranáq tễ đống sũ án; cóp án lốc-khốc lâm-khâm táq níc ranáq.

²⁸ Máh con án sâng bũi lứq chók án cóp pai ớc bốn yõn án; cóp cayac án khễn án.

²⁹ Cayac án pai neq: “Mansẽm bũn mút o ki sa-ũi náq, ma mới bũn mút o hõn tễ máh mansẽm ki.”

³⁰ Ốc raháp cõt o bĩq yáng tiah sâng, cóp roáp riang o cháí pút; ma mansẽm ca yám noap Yiang Sursĩ, lứq p̄ieiq noau khễn án.

³¹ Cóq anhia culáh cóng yõn mansẽm nâi cõ tễ máh ranáq án táq. P̄ieiq lứq yõn dũ náq cũai yám noap án.

**Parnai Yiang Sursĩ - Kinh Thánh tiếng Bru
Bru, Eastern: Parnai Yiang Sursĩ - Kinh Thánh tiếng
Bru Bible**

copyright © 2015 Wycliffe Bible Translators, Inc.

Language: Eastern Bru

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 21 Feb 2024 from source
files dated 29 Jan 2022

2f74bcbe-d4f1-5386-8c30-29d0147bb706